

清齋堂集



10104

清愛堂集卷十

仁和

魏成憲

寶

出山小草

余將入都春暍六弟送至吳門而別

楓橋昨夜梅花雪鴻雁分飛此時節君歸猶自念慈闈我  
望南雲更難別祿養兒原負米身家無儋石心如結况復  
天涯歲將暮舟膠凍浦衾成鐵浩歌底事帶離聲唱到陽  
春添皎潔寄語鴿原共慎旃循陔眷戀蘭芽茁

臘月二十四日舟泊京口

風俗爭傳塗竈辰蒜山山下暮潮新岸畱薄雪猶含凍船  
載叢書便不貧啜菽心惟娛白髮攀梅香已逗紅春料知

清愛堂集卷十

一

兒女燈前話江北江南憶遠人

公路浦除夕內弟秦養園廣文

用韜

席上作

記得瓶盆卅載前青山絳帳款彭宣  
乾隆癸巳除夕外舅視學始敦余在幕中  
重新游子宜春服依舊君家餞歲筵此去梅花逢驛使今  
宵爆竹暖淮烟書紅第一平安信慈母同登上壽年

雪後桃源早發

以昭陽大淵賦

迎韶纔五日快雪恰時晴白屋朝烟上青疇宿麥生冷吟  
驢背穩凍轍馬蹄輕聽說遺蝗盡春前望歲情

寄諸姪三首

無道人之短曾傳座右銘檢身如不及立志要常惺三載  
吾偕汝相依影與形別來雙弟妹蒙幼望傳經  
里居三歲立和姪朝

少與俱今爲  
子子女授讀

愛爾恂恂質文心細與論家承萬石氏人識半千孫品地

宜懷瑾功夫在養根重闡萱正茂爲我護晨昏出行之日屬慶來姪

移榻於慈  
寢之側篳

汝父遺書在文場未了緣堆牀應有笏負郭豈無田莫被

聰明誤須知孝弟先和平滋厚福寡母望殷然勉昌齡姪以讀父書

守素  
業也

嶧縣道中

驪歌一曲柳邊聽二十年前路舊經看徧江南盈尺雪馬

頭初見嶧山青

陰平

清愛堂集卷十

二

原隰參差鏤玉鱗寒光不動馬頭塵我來猛憶陰平長會

是當年臥雪人袁安爲  
陰平長

正月九日感賦

客路嗟遊子先公憶降寅先大夫生於雍正  
甲寅正月九日天涯今夕淚

地下百年身蒙幼曾擎竿流光似轉輪先大夫三十四十  
慶辰得侍膝下自

後則違養  
之日多幾經違養苦翻羨在家貧

恩許分符竹情歡蔭壽椿齊眉遙送喜知足近迎親蘭膳

含飴美萊衣製錦新往來吳苑棹色笑秣陵春風木悲三

載喬齡紀七旬想魂家祭日載雪旅眺辰帖異前番陟陔

憐獨旦循忍拋慈母去回望故園頻猿鶴啣難解餅疊耽

亦真此行同負米明發又勞薪遠道心香篆征袍手線紉

餘生烏鳥願長戀白頭人

聞滋陽野民誦孫明府

良炳之賢

村店新泥壁茅茨散午烟停車問風土都道邑侯賢

東合元夕荏平

送臘迎韶路且千試燈風起雪晴天十三回月今年好愛  
看冰輪第一圓

料知佳節倚閭難定撫童孫念我寒行處荏山名最古濁  
醪頻展漢書看

東阿微雪有懷家園梅信

山店蕭蕭雪滿身尋思籬落水邊春故園兄弟花前立折  
一枝兒憶遠人

清愛堂集卷十

三

曉行

馬渡無船野水橫郎當風鐸隔林聲多情一樣霜天月千  
里單車照曉行

平原道中

夙駕貪長路籠燈起僕夫寒雞催落月瘦馬戀殘芻烟樹  
稀於髮霜華半在鬚憑誰工點染一幅曉行圖

正月十八夜五更寒甚過景州車中作

凍合銅壺漏聲止殘雪在地月潑水遙見亭亭塔一枝巖  
南馳道平如砥黃塵十丈灑空寒那更收燈風又起明朝  
燕九望燕山仙館長春白雲裏

趙北口坐冰床三首

碧淀真成雪滿湖虹橋法喇乍招呼平生自有清心映利  
涉居然坦坦途

會侍

先皇肄武來冰嬉九九上瀛臺繡旗颺處人如織豹尾前

頭踏凍回

聞說前秋積水窪長堤齧盡柳敲斜只今一鏡平於掌冰

下寒魚未許叉

良鄉

鈴駝愛聽響空籠又向天街踏軟紅萬疊西山春似笑迎

人直過右扶風

新詩亦號朝天集舊僕如隨上計車襪被蕭然無長物一

清愛堂集卷十

四

燈還照讀殘書

入都門作

纔是脩門六載違貞元朝士便依稀卽今

御柳回青眼若箇京塵化素衣燈壁照來看蝸喜雪泥印

處悟鴻飛惟餘將母殷勤意報荅三春寸草暉

崇效寺題樸公青松紅杏圖用卷中竹垞先生韻

春滿煙蕪淥滿溪看山款段夕陽西禪房花木深深處前

輩風流畫裏題

畫出田盤松石古杏花天氣不寒風此心已到清涼境忘

却雙輪逐軟紅

三月三日獨遊崇效寺

藏身人海過一春辜負西湖好桃柳且喜閒中百慮無巢

痕幾處頻回首寺憶曾遊薜蘿林節到重三穀雨後舊居

先訪盆廬幽舊寓盆兒衛術榜曰盆廬熟徑爰循紙坊右地名白貝多紙坊

樹下春十分海棠枝高陰半畝有風扶艷絕可憐不雨濕

紅堆已厚差肩弄影只丁香沁腑濃薰勝卯酒鶯鶯燕燕

紛上下白白朱朱總龕醜撚髭定惠共詩心沒骨徐熙煩

畫手頓忘客裏苦思歸恰值花時來亦偶伽藍記在證今

昔曲水杯傳問誰某二難四美得具并五蓋三幡全斗藪

老僧猶道絮霑泥多事長吟新脫口如未忘吳越苦哉

六韻送韓城相國致政歸里謹和元韻香重慰一效詩

兩朝平格

清愛堂集卷十

主恩深

天語教遲返故林壽國載登千叟燕晚香重憶一花簪地

當河華生名世運際咸馨矢正音致政未忘民疾苦定如

白傳有秦吟開禧某二韓四美詩具其詳

當年作賦小于機散木何緣被德暉成憲年十七以文字受知

敷春盎盎今來幸折柳依依歸袞但載西清籍

賜餞還驂上路駢奉有沿途郡縣二十里內逆送之旨比似二疏應更勝

好圖張飲倩探微高節半角官風夫體辭四

雨後重過崇效寺看海棠天香詩

馳花成癖朝朝來惜花生怕風吹埃昨宵新雨最難得輕

陰欲開猶未開細草滿階花影徧酒暈侵膚睡情欠鮮雲

壓屋不肯紅到此翻愁十分艷高花零落晚花新明日重  
來別樣春禪榻茶煙清淨眼青松不改老龍鱗

劉比部

賈篈

招遊崇效僧舍看牡丹因過憫忠寺觀

山陰祁女史繡像羅漢冊遂飯於歡喜堂得詩四首

柳絮飛時麥氣寒隣僧常報竹平安一春難得身無事又  
看風光到牡丹

沙彌認得客頻來爲我林間埽綠苔此地笙歌從不到名

花猶是起樓臺

回鞭還訪唐朝寺不爲靈芝尚左碑舊識針神羅漢果添  
毫越女唾絨時

柔下難忘三宿情伊蒲供饌十分清人間歡喜緣非偶日

清愛堂集卷十

六

暮江南憶李生

松雲寓歡喜堂半載近已出守徐州

往余寓半積書堂在湯西厓少宰舊第接葉亭之北

今盛舍人

傳大

居此經過賦贈

仙露坊前路熟經寄巢重款小林垞新排北垞移花徑舊  
識南隣接葉亭詩境不須謀野獲書聲只在隔籬聽晴窗

細話山居好恰寫江春一髮青

時舍人方作畫

三月二十六日晚過鷗鷺莊温篔簹坡侍讀

汝迪

留宿

直園

路轉丹稜泔園扉曲處幽淡交心似水淺夏氣如秋酒向  
鄰家乞詩從野外謀西窗同剪燭清對一雙鷗

清愛堂集卷十

清愛堂集卷十一

仁和魏成憲寶臣

東魯小草

東魯書院示諸生

昔賢于此趨庭地今我來爲失怙人雲物南樓看似舊風聲東國樹之新浣花抱負期康濟汗簡文章識雅馴願與諸生各努力近依洙泗德爲鄰

五月六日初詣

闕里敬謁

孔林恭賦一首

承

清愛堂集卷十一

一

天子命巡鄒魯近

聖人居拜廟堂溪上蘋蘩薦忠信壁中絲竹悟文章篋函親捧車纔下芸鼓頻催日正長廿載服膺風草訓得門遠愧及肩牆

題水繪園圖二首

西園公子不可作射雉城陰春漠漠零落南朝濺淚花題詩人憶湘中閣紅燈綠酒古池臺三徑曾因名士開除却江南無此樂楊枝婀娜紫雲迴

烟波畫船無處無舊時月色相招呼文孫也愛文字飲喬木于今儼畫圖越頭要及花時節待訪名園簡須折我亦紅橋舊使君鶯飛草長情難說

孫淵如過郟城見寄詩札卽和荅之

又看綠野雨餘耕竹馬兒童拍手迎自是故侯遺愛好帶  
來甘澤與蒼生

傾蓋亭邊意惘如故人不見見雙魚傳來莫道寒暄問舊  
政商量利弊書

單父謁朱宮保祠

朱公諱之錫浙之義烏人順治三年進士官河道總督卒於官乾隆

四十五年阿文成公

奏封助順永寧侯

往事沉菑澹神靈祝號崇我懷君子澤人比大王風

土人稱朱

大王

故里烏傷後新隄雁集中維桑慚守土私淑濟川功

湘江慈竹篇爲方節母作

節母姓李氏湖南臨湘人子同煦進士官費令

湘江慈竹淚痕濕下墜芳蘭風習習報荅春暉寸草心鄭

清愛堂集卷十一

二

重乞言先雨泣爲言母氏歷艱難佐讀宵燈病骨寒藥裹

依依芹采采孤魂及第痛方千懷中黃口纔彌月堂上淒

其雙白髮未了情緣含不瞑哀猿啼破三聲血回憶齊翁

只七年冰霜獨旦恨絲絲鑿楹書在佳兒誦包土墳成孝

婦賢可憐寡母如嚴父夏楚誰知心更苦負笈親縫游子

衣飄零六尺悲何怙天教窮互轉熙陽苦節從來後必昌

計車一上攀紅杏宮錦歸來拜白楊稱未亡人踰卅載膝

前祿養歡猶逮綽楔門邊又彩竿藁砧地下開顏再于今

老福集桓葵花縣輕輿緩緩隨載筆難辭良吏請開函况

有故人詩

亡友范叔度陳花農皆有詩

嗟子近亦偏親侍秋水慈雲迎

未至多向茅檐種福田共添護草長年瑞

曹南雜詩

塵勞觸熱汗如漿  
華館停驂半夕陽  
安得東來蘇槁雨  
黍禾萬頃綠雲涼

黃流奔猛望平臨  
到此方知大且深  
手障百川非易事  
秋風秋雨最關心

萬里朝東怒未消  
尋常挂席與乘橈  
渾脫

平聲二字

飛渡中流

朱中丞于役三關隔岸見有騎一物浮水面者問之曰渾脫也蓋取羊皮去其骨肉而製之見浣水續談今猶有用之者  
翻笑吳兒但弄潮

豆穡收後刈芝麻  
剝棗年光又剝瓜  
籬落新涼開似雪  
村多種木棉花

月輪高湧水烟平  
隄上秋中不夜城  
若果陰晴同萬里  
清

清愛堂集卷十一

三

光真到十分清

林風微動紙窻燈  
宿宿勞人倦不勝  
一夜冷香清入夢  
黃梅花雪水仙冰

封邱隄決曹濮成災赴勘感賦

茫茫雷夏澤隣壑  
竟千村秋野添霜氣  
寒廬半水痕辛勤  
咨父老子細授饗  
殮莫負

朝廷詔人思挾纊温

示守令作

流亡皆赤子  
慙媿俸錢多  
忍使千家哭  
愁連萬井波  
長裘資蓋裹

中丞治亭先生倡捐棉衣得二萬餘領

凍澤轉陽和  
默默情難說  
新

霜鬢漸皤

鄆城祝令

孝憑

築隄捍水邑人德之

灘流高汎廬邱低露宿風餐荷鋪齊但使田廬無恙在他  
年應號祝公隄

張秋遇雨

寒流都與市梢平幾稜青青宿麥生那得箋天憫窮餓高  
田飛雨水村晴

六弟

景萬

書來知奉

太夫人抵署並傳慈諭盡心

賑卹不必急謀覲省敬賦一詩

一紙家書抵萬金王程還念我登臨正逢肅雁劬勞日多

感慈烏惻隱心土銜煙騰新脫粟

時方開賑

木棉衣暖舊紉箴

每歲三冬

太夫

人以棉衣施貧者如何衆母兒身任愛惜蒼生母訓深

清愛堂集卷十一

四

夜宿臨濮田家

一葦風淩絮昏黃就岸難到門無俗駕近市有漁竿月色  
窺檐苦波聲聒枕寒勞臣何所補那得夢魂安

王鐵夫書來兼寄詩集卽用集中見懷元韻荅之

歲闌無臺可避債不信監河粟能貸議蠲議賑于役忙母

來定省猶未遑

太夫人到署匝月未克歸省

羨君著書常據案渾灝文

瀾無畔岸江南春信換桃符提壺合向梅邊趨

首春二日曲阜贈衍聖公

慶錡

卽用去夏初謁

平闕里元韻

以下闕逢困敦

最喜發春初獻歲幸因習禮載升堂公宜鼓篋循時教我  
媿彈冠聞日章善氣觀摩三友益慈暉報荅寸心長

喜侍重闈

先師遺訓分明在不學真如立面牆

汲長孺故里

社稷臣曾重漢皇濮陽人竟守淮陽積薪不使官畱內持節于今我發倉時以察振至濮陽風采櫻鱗如柏益平生冷齒獨

宏湯同心賴有孫莘老謂淵如下馬來尋到汲莊

口占贈淵如

義陵湯冢考原真

淵如謂伏羲陵在魚臺謠在陳州湯陵在曹縣謠在榮河考證最博文見集中

舊部重來雁澤春別有蒼生迎馬首搨碑人與賣書人

正月二十七日出濮州南門同勘金隄因憩

直萬氏別業還過蘇園聯句

濮陽古臨河

星衍

瓠子百川納昨秋蟻潰隄

成憲

舊治鵲

清愛堂集卷十一

五

盤塔

古濮州治鄆城今東二十里舊城是

蓄黎苦昏墊

星衍

守吏慮周匝長

虹亘漢年

金隄始於漢時成憲

晴雪過秦臘發棠此重到

時詢訪聞賑歸

來之戶榷薪務相雜芴風犯凌兢

成憲

會冰望重沓芟舍

瘁敢辭

星衍

藁言詢宜倉相度斛隄勞

成憲

脩防葦樯踏

迴澗桃汛恬

星衍

按堵蓬戶闔于于攬轡還

成憲

一一飛

寫跋

攝州牧周令履端邱縣蕭令林及漆守戎光焯偕行

款扉訪梅信

星衍

入坐拂

藜榻植柏編作籬

成憲

蒔花密環關論心煑清茗

星衍

懷

古搜舊搨

汲長孺墓在州城西南今有汲家莊廬已頽圯訪碑不得

小憩旋闔閣

成憲

先驅分韎韜斜川徑縈紆

星衍

曲水石礪磻卽境遠思鱸

成憲

忘機且食蛤北山舍空局

星衍

西溪展誰蠟問俗媿

檐帷

成憲

幽棲讓禪納曹南花事遲

曹南牡丹最盛惜非花時

星衍

道

左朋裾拉塞河省稽橐成憲豐歲富麻荅相期籜節持星

衍復此萍蹤合成憲

少年華難挽似黃流又值清明雨乍收柳色濛濛花淡淡春

陰直過大隄頭春香

驚心插柳徧千家渺渺曹南水一涯片段雲生寒食雨三

分春到小桃花翳桑定有飢人夢塞瓠猶傳使者車記得

流民圖鄭俠爭教緇鬢不先華

恭謁湯陵陵在曹縣西南十八里土山集

昔有成湯冢前聞北亳宜曹縣左山之陽是古濟陰郡治湯陵宜在北亳今傳榮河誤也

穰鋤慶平望雨草木賁升陟禱憶桑林歲愁生瓠瀆時盼

方殷塞也因行水到漢建平時大司空史卻長卿河未竟也因行水到按行水災因行湯冢見皇覽無葬至

今疑劉向云殷湯無葬處

三月三日曹南上山集道中數十里雜花正開車上

偶成詩千家城似曹南水一試

茫茫古濟陰按部我行野山虛陟景員俗且問曹社居民

果園稠時維暮春者桃花梨花村到處矜姪姪徑穿雪香

中映帶紅雲下牛宮菜繡畦鱗屋柳飄瓦已覺冷風和但

少甘雨灑振窮或攀轅勞農還駐馬蓬心增煩憂芳序足

陶寫罷詠曲水詩鞅掌歌小雅

三月十四日南旺道中喜雨

十日春晴汶漲消  
騶前甘澤起新謠  
拚教巾墊林宗雨  
羞疇霑郇伯苗  
魯道纔呼泥滑滑  
吳船還唱暮瀟瀟  
正愁野菜茆檐色  
潤物油雲望已遙

題陸朗夫中丞家書後爲公子直之主簿

編作

尚有桐鄉愛偏深  
梓舍情家書十三  
紙心跡一雙清  
開府風猶古微官  
政亦平因君珍手  
澤雪涕也縱橫

先大夫家信從不作

草亦已衰池成帙

題朗夫先生誓墓圖

吳淞一碧還鄉水  
照見清心正如此  
誓墓曾傳逸少文  
東山特爲蒼生起  
當年庭訓卽官箴  
屋漏神明獨影衾  
春風已種豐年玉  
今雨誰投暮夜金  
治譜平生齊魯地  
十二年

清愛堂集卷十一

七

間再三至處爲孝子  
出名臣後世振振清  
白吏我亦西華  
失父人九原隨會更  
沾巾菱裳勿翦懷賢  
意啜菽承歡將  
母身

昭陽湖

船頭移夏鎮湖尾  
閣春陰好雨一犁  
足綠波三尺深  
甬泥須力役

時議澹湖

種水見農心  
舊識江南路  
微山辨寸岑

雨後郊行志喜

忽聽茆檐笑語  
殷雨餘鱗鬩鳥  
催耘黃流已捷  
淇園竹綠縵全  
蘇泰岱雲扶杖  
于于蒙

闔澤寒帷稍稍息  
勞筋與民長此  
豐年樂弊吏先  
廉政在

勤

投牒陳情因上冶亭中丞

莫慮飢寒計俸錢用香山句慈雲冉冉夕陽天只緣烏鳥投林  
急不爲鱸魚入饌鮮霜後孤筠須愛護風前殘燭怕流連  
此情大府如憐許猶及深秋下水船

泰安道中

以下旃蒙赤奮若

禽言割麥插禾好山色歸雲宿雨餘一路官橋如畫裏使  
君還愛讀農書

溪橋落月晨鐘動茆店清風午樹陰若解流連光景好人  
生何必盡山林

岳氏銅爵歌

清愛堂集卷十一

八

泰四年成祭器訟寃傳有籲天錄怯敵曾言撼山易痛飲  
黃龍待雪讐長城自壞緣和議將星慘淡背旄軍英靈颯  
爽紅羅幟可憐父老望南枝幸有文孫承大禧赤堇千秋  
躍冶心黃流一勺孤臣淚異代飄零此爵畱合歸遺廟湖  
山地光堯賞僭格天閣謬醜犧尊早淪棄高宗十六年爲秦檜造祭器  
六陵麥飯亦無人剩有冬青起寒吹忠武馨香天地間不  
關當日金蕉賜金陀粹編上賜先臣金蕉酒器如韓世忠禮

題朗夫先生手寫嶽麓圖

帆隨湘轉衡九面開府登臨遺愛徧民到於今頌不忘剩  
水殘山淚如霰尺幅猶畱手寫圖放衙想見時清燕人沂  
流風叔子碑家無長物胡威絹當年雲氣若爲開玉泉之

南青一片

題張芑塘徵士

燕昌

金石契

嗜古張徵士都楊見後身酸鹹殊所好金石老斯人謀野  
花扶杖探奇雨墊巾龍泓高弟子翠墨定千春

清愛堂集卷十一

清愛堂集卷十一

九

仁和 魏成憲 寶臣

林居小草

天題奚鐵生岡尺牘為屠琴隴孝廉傳作以下柔兆攝提格

逸品兼三絕窮交又八哀偶繙遺札好如見故人來落日

山陽笛涼風河朔杯與君談往事濺淚對花開

哭潘蘭公侍御庭筠五首

春明晨夕素心同卅載論交冷淡中選佛選花都不俗雅

遊綽有古人風

露寒鳩鵲舊巢痕簪筆紬書職業存奏進一篇

天一笑送歸蓮炬月黃昏

清愛堂集卷十二

一

太平無事諫書稀人羨萊衣是繡衣養福湖山能養志硯

田如水不曾肥

扶護還鄉百念灰齊衰往哭子輿哀紀羣三世情難盡更

望楹書細讀來

賦過高軒記昔曾沈孫璉吳壽宸零落弔難憑梅花如雪

春禽咽無復吟筇到馬塍

王孝女詩為桂峯太守觀女孫作

昊天不弔慈親喪棘人樂樂痛無狀傳誦扶風孝女行馬

山中丞為純徽周甲遙相望吾母年華十五時護帷寢疾

勢瀕危苦心調藥曾剖臂幼睹癩痕已淚垂事詳先太鮮

民慟哭追慈教孝女今聞竟死孝母病中宵露禱虔甘齡

弱質憂生貌金翦無聲皓脆殘肉香冀作大還丹可憐隻  
影青燈泣猶向重闔白髮寬丁寧婢媪皆緘口豈意啼烏  
旋失母小命從亡屬續餘血淹苦孽驚人否大父擗文大  
母哀秋生桂魄忽蘭摧棠梨一樹墳三尺地下魂應徬母  
來徵詩值我廢詩日益我悲懷難具述天性吾家母範同  
人倫當代女箴出書丹奕奕碣長存孝女名龍已字袁字  
生斯鳳太守女孫孝廉女南朝釵鏤本清門

### 信宿雲棲寺

五雲山之麓西陽轉幽窅蓮師智杖來本色今猶紹前生  
打包緣靈境夢頻繞蒼筠徑深深青豆房小小明燈影籬  
罅暗泉響樹杪林間苦行僧林外念佛鳥戀此三宿桑高

### 清愛堂集卷十二

二

### 舉煙霞表

### 洗心亭

脩竹望無路路轉竹無窮泉聲聞數里處處接笕通不覺  
入山遠愛有太古風洗心亭上坐閒雲潭影空

### 觀董思白手書金剛經

般若五千言無我諦最密誦來竹窻下寫自畫禪室宣揚  
微妙音通神瘦硬筆欲證彼岸緣時已怙恃失思白自題  
云手書此  
經奉施蓮池和上轉誦薦導先考白齋  
居士先母沈氏離一切相早證菩提我亦永慕人樂樂

正銜郵拙手斂薑芽繙經淚沾快

### 山寺

山寺翠微合徑從幽處尋一溪寒玉響萬竹綠雲深僧掃

雨餘葉磬傳風外音纖塵都不到別有妙明心

觀瀑

三峽橋邊瀑布懸廬山身到廿年前而今清省令人發又聽雲門雨後泉

澹足居坐雨

溪聲雜風雨萬籟皆成秋于時夏尚淺梅潤雲幽幽梵唄遠相苔檐瀑低更流麥隴要晴色無使山農愁

月夜

雨餘山翠十分涼百道泉聲出上方梵唱不聞僧定後古松微月露清光

山二首

清愛堂集卷十二

三

白雲回首重依依半百勞人悟昨非願得此山為行者打鐘埽地兩忘機

用李義山語

風樹年來恨已深簡書翻悔舊登臨夕陽時節青山好此是孤兒誓墓心

五月十二日雨中湖上送春渚先生之上海

梅炎晴十日一雨回清涼洗出衆山翠潑眼明湖光渺然雲水外鷗鷺隨野航藕花開尚濕隔浦聞風香人行如畫

裏熟惱俄已忘鬪酒借茶竈呼衣添米囊

是日極涼用詩僧可久夜泛西

湖詩老興不淺謂將宿春糧幸今歲豐樂兵氣銷重洋近遊亦瀟灑信美惟江鄉雞頭與菱角月波春可嘗歸帆須

及早莫負秋荷芳

七月十八日屠琴陽招同許青士乃濟胡書農敬安

積堂三慶小集拂塵菴雨後登吳山看月夜分還宿

菴中陳扶雅善以事別去吳穀人期而不至分韻賦

詩

城南好林壑之江控其左高處畱茅菴蒼筠搖个个室曰  
小檀欒佳士此夏課清涼境無垢琉璃地不唾位置更何  
物筆牀與茶磨晨夕素心人故山殊可過有風颯然至一  
唱屬而和遠樹秋乍歸微雲月半破賈勇躋層岩策勛木  
上座俯臨塵市隘仰觀天宇大二妙不我偕肯拋清景臥  
賞心美難并茲正遭且賀

重九獨遊韜光用香山居士韻

清愛堂集卷十二

四

秋陰淡無迹款步入山家幽鳥穿篁逕涼風散菊花別開  
詩境界須悟道根芽不負登高節僧雛淪苦茶

含輝上人出觀韜光圖索題卽次卷中劉文清公元

韻

西山結夏記前緣三十年來境了然礪魄林慚須猛省此

心如月印清川壬辰之夏余讀書松靄山房去韜光不半里

直到高峯最上頭且從松下小遲畱無邊極目真千里海

色江光澹不收

尚憶閒鷗有夙盟勞薪容易閱浮生重陽歲歲天南北暫

此拈花證妙明

萬松嶺

送目遙天去鳥還萬松嶺上夕陽間西風吹出有聲畫  
絳深黃共一山

丁龍泓隱君貝葉經歌舊與經同弄靈隱寺之借秋  
閣此歌凡七易彙張芭堂同年全得之舉以見贈因  
褻池成卷並藏諸閣畱爲山中故事

借秋閣貯貝葉經誰其歌者丁鈍丁長歌與經意無極禪  
枝時吐天葩馨洗心已悟諸妙諦覓句會掩雙林扇苦辛  
幾度蛾時術塗乙七翼鴉翻形乃知經營先慘淡然後逸  
韻鏘流鈴世人言詩太鹵莽操觚率爾鐘撞廷張生手持  
蝨殘本謂如初寫傳黃庭一回拈出一新義幅幅點竄思  
通靈感生贈我重遺翰先友寥落嗟晨星不藏於家藏僧  
舍以貽來者見典刑他時洛誦資副墨山門同鎮頻伽餅  
護持四十四番梵文古永與閣外鷲峯相對青

清愛堂集卷十二

五

人日大雪過春渚先生小山居何五震伯余姪謙泰

侍酌分韻賦詩

以下強  
開單開

老輩典型稀從游近宜密快雪逢令辰衝泥訪荆華寒水  
抱一灣入春纔七日梅花凍未開好景在蕭瑟此時得飲  
趣底事筵秩秩先生道自尊清比竹溪逸圖書發古香屈  
屐紛滿室杯行莫停手坐促但容膝俗慮到已指風雅世  
無匹况懷憂時心更習齊民術爲言臘前暖三白僅見一  
及茲瑞霏飛膏澤豐年必江鄉安樂窩良會亦眞率聊題  
草堂詩待種東臯秫

試燈日春渚先生以盆梅見貺用先生集中題梅花  
卷子詩韻志謝

春城處處聞燈好惟有梅花伴詩老連朝凍雨山館清門  
外已見溪流平花匠家多住馬塍遠梅健步移未能先生  
分與江南春要使淨心同雪冰嫩寒料峭晴猶慳何人笠  
屐循孤山臙脂幾點香帶濕橫斜影在琴書間一樹垂垂  
亦清絕綴以蒼苔縈石脉莫誇艷曲紅羅亭雅貽東閣題  
詩客

方太夫人八十壽詩

命婦頭行象服鮮桂堂詩弟玉臺仙

學詩於杭  
堇浦太史

春秋佳日

八千歲閨閣才名七十年節府樹勳分雨露

汪勤僖公開  
府三楚夫人

清愛堂集卷十二

六

從皆板輿花宴到林泉

竹隱樞部  
侍養里居

醞恩老福人間少餘蔭門牆桃李邊

座上茅耕亭先生  
出勤僖公之門

題王竹嶼通守鳳生江聲帆影閣圖次吳穀人祭酒

韻

白下青山淡秋影舊游如夢江之永千里潮聲瓜步寒六

朝松翠樓霞冷忽地烟雲眼底開新圖攜自日邊來畫中

人識王文度近向金門稅駕回披圖高閣臨江見江上輕

帆開面面秋水長天想象間軟紅人海還生羨早歲吟壇

綽有聲紀羣卅載見交情鳳臺瀟灑春相訪鶴立昂藏眼

倍明

庚申春過訪  
金陵官舍

烏衣門巷先疇託花外澆書傾鑿落印

泥往事悵鴻畱班草重逢憐馬弱

乙丑夏重過  
君於兖州

我轉江鄉

蓬累行君翔半刺赴王程金陵近與錢唐接將母東風盡  
舫迎綠楊樓閣中流在桃李湖山如錦碎夕膳晨羞飲水  
清雲帆沙鳥焚香對讀畫題詩定宿緣臚言合有故侯傳  
清涼山色曾迎我燕子磯頭燕尾船

題王補雲林屋山居圖用卷中竹垞先生韻為馮鷺  
庭集梧作

吳波萬頃一帆風來往山翁與釣翁憶昔具區曾放棹莫  
釐峯外夕陽紅

左神佳境亦清涼四顧山光接水光用王半山句未識龍威書  
一卷洞庭春好且教嘗

魚鳥移情一曲彈杉皮小屋未應難垂虹秋色東南滿羨  
殺千頭有橘官

清愛堂集卷十二

小馮君住小壺天况復清芬在硯田不是季真還鏡水新  
移鴛浦載書船

沈郎高寄玉郎筆圖為沈南疑作紫翠金庭潑眼濃天許買山兼  
買畫前緣七十二青峯

視昔猶今事恰符時鸞庭買宅洞庭有鄰可卜更非孤梅花深處  
如招我補入包山第二圖

陳古華太守延慶僑寓梅莊以天瓶居士臨王酉室  
折枝梅花見贈即用酉室題句韻報之

君來梅莊園綠陰黯無色舊夢費尋思夕陽起鄰笛謂陳花南

別駕

贈我江南春墨雲浮動色五月落梅花何人一枝笛  
題漁洋山人自書雍正絕句爲伊墨卿太守作

暮景飛騰又使輶棧雲隴樹太迢迢白頭尚有生花筆合  
唱旗亭和玉簫今年燕劉入等箇林未則苦無歡暑指  
冶春風景好池臺重見平山太守來媿我曾無詩一卷三  
年空住楚江隈  
太風渡江用筠心先生集中韻

拍手小兒唱銅斗蘆人搖搖斷渡口何緣白浪打蒼厓徑  
翦江心片帆走如此風波好看客可憑忠信卽須友冰夷  
海童罔愆祈疊作鯨吞齊頰首金山船頭忽船尾轉捩篙  
師時露肘墨雲樓閣江天雨壯觀平生說未有背指瓜州

清愛堂集卷十二

八

樹靄濃日光穿漏開烟穹滄溟萬頃愁萬斛容我六尺低  
烏篷林僧無言笑破浪塔鈴獨語當顛風已經習坎得旣  
濟暮潮却任滔滔東明日蘭陵酒可買一聲欸乃烟波蹤  
七月十七日陪春渚先生松窓兄南灣汎月余姪

從焉得詩一首

明月挂高柳露蟲作吟聲一灣烟水趣人在放鴨亭招  
上野艇溯洄抱東城遙山淡如夢漁火疎于螢頗得秋意  
思涼鷺翹前汀今年蘊隆久碧筒杯未傾苦無道暑計愛  
此卜夜清浩然風露下斗轉俄三更小泊藕花岸忽聽林  
鐘鳴

陳藥山招飲看菊

近局招呼酒易賒晚香深處瘦痕斜一年幾見清圓月三  
徑新開冷淡花佳節匆匆遲遣雁諸郎楚楚解塗鴉與君  
商略滋培法宛在柴桑處士家

山舟先生重宴鹿鳴詩

又聽吹笙鹿野秋丁年秋賦甲重周夔龍舊學無雙胄鸞  
鶴歸林第一流講幄詞臣會僕僂聖湖詩老早優游文場

盛事王阮亭先生黃崑園先生後

帝許簪花上白頭

南北晨星舊齒疎

謂翁學士徐宗丞

當時棣萼並賢書令弟鐵幢少司空同

舉北爭傳四海靈光殿久遂中年下澤車玉筍孫行聞喜

近瓊林叟宴拜

清愛堂集卷十二

九

恩徐記隨二老婆婆會

丁酉秋楊趙學正胡大令重赴鹿鳴彈指賓筵卅載

餘

哭春渚先生卽用易簧詩韻

愁心空憶賀方回萬丈文芒一寸灰却聘白衣甘蠖蟄題

詩紅袖拂蛛煤避人每爲看山出媿我頻從問字來可惜

二分明月後不會同上雨花臺

成憲守揚時下榻郡齋一年轉秩金陵敦請未至

貞孝門中獨鑄回

是母與是子貞孝天下無當年荻畫贖

寒灰飲綠無事同犀首書早成家費麝煤撒手懸厓俄化

去爾雷時語驚心鬻指乍歸來

令嗣竹君先

蒼龍溪上新宮作

合倩鐫銘到帝臺

丁卯除夕

鼎鼎年華黯目傷一彈指頃素琴張愁添萱草含春碧訝  
許梅花冒雪香

孝治不遺螻蟻憾前歲蒙恩却江友懷已斷鶴鶴行二弟

三弟俱下世

君親未報

恩無量檢點分陰積漸長

清愛堂集卷十二

清愛堂集卷十二

十

遲雲小草

人日雪後獨遊湖上遂至西山歸途復雪隨所見輒

作數句燈下集之爲詩

以下著雍執徐

思齋詩話

數峯鱗鱗繚微白送臘飛霏三番去積林巒粉墨分淺深  
映帶杉篁間松柏湖雲淒冷澹於畫導我舟前野鷗拍東  
坡舊詠晴雨宜西山向結煙霞癖衝寒欵乃一枝櫓賈勇  
登臨雙蠟屐爲尋初地罷參禪恰值靈辰傳蹋磧鐘魚放  
梵韻迢遣猿鶴呼羣境幽僻理公巖下滄雲氣鮑家田畔  
動泉脉過溪相送僧獨還微霰又飄農及澤回看樵磴幾

清愛堂集卷十三

一

級迷瞥見漁蓑一竿擲眼明直上望湖樓急舞迴風灑簾  
隙浮浮飛鳥不敢下練練清川杳無迹印鴻那復計東西  
揮塵偏宜話疇昔望湖樓與叙庭相值同循西村訪孤嶼水仙王祠  
處土宅早梅偃蹇凍香破半倚冰厓半苔石巢居隱者後  
視今遠色蒼然日將夕况復迎春剛踏雪預卜有秋最宜  
麥翻思去歲冬恆暘抱甕難澆菜甲坼陰晴無定驗榮枯  
造化何私普滋液紙窻歸伴讀書燈思發花前瑞盈尺

過陳氏小圃看米囊花

夕陽芳草款林扉鹿眼籬邊問晚菲開向春風拳錦障種  
會秋月解羅衣東皇欲別春糧宿南畝纔分錯綵圍便擬  
從君住花國笑他方朔一囊饑

西興關用丁敬身隱君韻

開帆廟子灣三折見江靡遵涂甬甸東不問蘭上里回頭  
望吳岫隔岸烏篷倚隱鐘鼓傳西興去未已沿村秧田  
綠一雨農志喜霸業久銷沉於越記程始惟有山鷓鴣飛  
入花樹底

渡曹娥江

昔讀幼婦碑今涉孝娥浦投衣衣當沉抱尸尸不腐可憐  
十四齡畢命甘從父獨銜精衛寃那激靈胥怒長號江之  
永有情天亦補至今迎神曲無復婆娑舞

丈亭待潮

迎潮潮未上移橈橈屢停樵風遲晚渡漁火明疎星名同

清愛堂集卷十三

二

丈八溝地近鮎埼亭且對一丸月夏山江上青

蟲窠詩山舟先生索賦卽和金海住少宗伯韻

并序

異物可得見乎之蟲又何知焉于囊抽乙乙之絲  
如棗獻來來之色羅非一目穴近樹膚營茲徑寸  
之居甘作顛當之守表裏皆徹經緯亦分久閱歲  
而猶新實小言所未賦贈同缸面是曩年賭墅之  
餘詠出仙心並老手斲輪之作同聲相應四韻再  
成

小絡花囊訝許同藏身猶憶綴枝蟲千頭密映蠟蛸戶一  
指輕彈望麗風輭動二分垂在外蠹殘從理貫當中出林  
妙有空空手薄技雕來恐未工

異物偏驚百歲翁，新之那更紫玲瓏。幾番宛轉纏絲意，方寸虛明洞達中。蛻化會無衣百結，穴穿何必繭同功。人間又見雞窠叟，花甲頰周十二蟲。

原作

仁和金姓

曾聞天巧寄能蟲，此似靈蠶作繭工。爲厭藏身多束縛，儘教穿穴徧瓏瓏。夜深通映枝間月，秋老長披葉底風。珍重編來龍女髮，賭棊應待兩仙翁。

龍女髮卽橘叟所賭之一物也。

和作有序

錢塘梁同書

藏余家久矣，聞之父友少宗伯金海住先生云：先君以圍棊決賭得之嚴氏者，嚴自何處來未曉也。其色棗赤，狀之大小長短亦絕似，不鏤自雕如細目之網，絲督爲

清愛堂集卷十三

三

經又若小口之囊，一面附著樹枝處痕深陷而直貫上，下以是知爲蟲所結也。宗伯倡爲詩并序，其始末小子亦依韻繼聲。

此蟲真合號雕蟲，蠹化猶驚織作工。韞雀結房嫌緻密，薄蠶成繭欠玲瓏。誰紉越客千絲網，疑墮仙樵一翦風。六十年間遺蛻在，那堪重問主人翁。

湖上喜雨作

迎梅閏年遲甘澤，久未徧濃陰。合旋開玉桂，幾時賤今晨。偶出郭陂塘，秋意先陡覺。風回輪少焉，雨如濺跳珠亂入。船揮暑暫停，扇濕雲滃滿。湖心白于練，層嵐翠全失。塔影空濛見，小泊涼荷中。葉喧花四面，林腰瀑垂紳。沙背漲

撇淀農人有年占詩家清景戀旣霑旣足餘插秧青一片  
苦雨歎

望雨得雨農慰心一雨十日翻愁霏黃蒿古城雲黦黦夕  
陽偶放俄濃陰晴光餞春又迎夏魚星不明屏翳謝何緣  
焦壤承漏天檐瀑朝朝但傾瀉上湖陡漲橫鬻隄高隴盤  
渦深沒跨已難叱犢認陂塘漸可呼船及廬舍吁嗟乎休  
徵肅父時雨暢轉頭頓改年豐荒人心憂喜夫何常天心  
仁愛調陰陽鄙人無德薰無良忍飢還詠離畢章

貴米謠

穆門徵君貴米謠前戊辰紀乾隆朝斗米三錢尚小斛其  
時已歎鴻嗷嗷六十年來甲子轉價倍翻云昔年賤今春

清愛堂集卷十三

四

蠶麥皆有收昨歲占豐炊玉徧如何梅雨偶然多且暮喧  
騰闕市河特啓官倉爲平糶沿村乞米爭噓踞齊民藏蓋  
家家無甲第猶空甌石儲習俗好奢不好儉纔逢小歉便  
飢驅近聞早稻登原隰米船江浦如雲集稍喜新杭價漸  
平辛苦盤餐珍粒粒有秋可望人心安恰怕風潮秋向闌  
未雨綢繆煩長吏先疇稼穡念艱難

分秧行

下田沮洳禾已漂高田未浸餘新苗時過大暑糶不燒及  
時補種分秧挑千錢一畝農語囂典衣買秧越陌遙山農  
得錢色頗驕澤農屨水窮昏朝盈虛消息天昭昭往者早  
隴曾枯焦雨多傷稼今無聊但願秋青滿塍插其餘瓜疇

芋區亦可充飢枵莫又唱雨瀟瀟

蘇軾詩

六月十五日金珊圃

榘

招同朱雲巖

鈔

胡嶼亭

祖福

游西山入龍泓洞

古華太守

詩

古佛棲冷巖炎官張火繖有洞曰龍泓采入暑全散幽幽  
天光漏遲遲雲意嬾苔壁潤復寒乳竇霏又滿惟昔丁翰  
之于此營憩館後來秋壑題林澗媿莫澣

洞有賈似道題名

興亡

慨陳迹煙霞訪閒伴石燕晴不飛風蟬疎欲斷

上韜光菴行一二里皆鉅竹中

幽篁不見天赤日不到地涼風灑然來山影紛無次盤陀  
折而上一轉一蒼翠僧房小于巢樹杪好位置茶瓜熟惱  
蠲江海遐心寄試聽嶺泉聲接筧淙淙墜

清愛堂集卷十三

五

補梅軒值雨

層軒背絕壑卓午樹不風推窻散鬱蒸雲擁北高峯大聲  
振林木飛雨來浙東日脚露隱隱雷碾走隆隆并作百泉  
響洗出萬綠濃下界足膏醴滿慰吾三農

雨後坐冷泉亭上

歸雲亂峯西斜暉疎樹外開襟雨餘涼側耳泉聲大何處  
聞清猿此間發林籟已忘三伏炎石氣冷秋霽

月夜同戴九橋明經

安詩

湯春叔明府

燾

泛湖因訪

李松雲太守

堯棟

陳古華太守

廷慶

得詩二首

西村晚喚渡搖入柳絲鄉高嶺月輪湧滿湖雲影涼交情  
如水淡風味有茶香清景不須寐頻呼夢蝶牀

不冠亦不韞爾汝早忘形小別髮皆白故山螺自青迢迢  
下秋漏落落數晨星有約論文酒重尋問字亭時古華主  
崇文講院

一雨秋曉訪海鹽張質民秀才開禧用昌黎秋懷詩第一

首韻

曉月街暉暉秋露葉蕊蕊喚艇到暗門隔湖鐘未已行窩  
雙扉掩書聲早盈耳惜陰寸分積每先林鴉起足慰吾老  
友謂芒堂  
徵君教誨式穀似力學務通經擊斝奚足恃温卷笑  
望塵寒廬但掃軌繞屋藕花香覺我茫然喜曾賦此詩

靈芝寺用秋懷第二首韻

歌殘陌上花苑芝亦零悴本吳越王故苑芝生其  
間因捨為寺號靈芝送客靈

芝寺樓攻  
魏句當年張飲地鐘魚久寥落秋草生橫恣湖山閱

清愛堂集卷十三

六

古今風景會無異偶從雲外賞愈識林下貴

觀蘇文忠公表忠觀碑元石二片用秋懷第三首韻

錢祠何序繕蘇筆不柔曼會供使宅魚會喫惠州飯大書

忠孝文崇獎香火願豈唯射潮勇實俾有位勸掘地得碑

二鼻致役夫萬元石二片面背刻字自杭郡  
學類也側掘得遂移置觀中半闕補成化

明成化中郡人重刻全文上聞溯清獻鐵券賜共珍浙臉

碑石四片亦面背刻字

夢猶怨見劉一清  
錢唐遺事

晨雨乍涼用秋懷第四首韻

一雨三徑滑漸淅如細凌風前將歸燕秋後轉多蠅清涼

暢懷抱熱惱了不憎曉陰帶巖背活水通溪棧念我同心

友樵斧兼漁簪會當從之遊豈曰予未能

聞黃淮盛漲慨然有作用秋懷第五首韻

暑退林凋稀露下阜禽警時屆白露江淮渺難到天水相與永  
用少陵句洪澤波委輸黃流勢奔猛金鞵走百靈石槌束萬練  
浮家安所屆轉粟信多幸遙知鴻雁哀尚冀鼃鼃屏

屠琴陽翰林歸自都下見訪用秋懷第六首韻

住十日邊來玉堂好風景過我茅檐話吐氣虹分罔英華  
振蘭茗篆刻鄙桃梗散材已自棄蹇足難並騁湖山十日  
遊所願不敢請

重過小山居追懷春渚先生用秋懷第七首韻

秋氣落窮巷蕭蕭白楊暗詩老不可作披帷有餘憾昔從  
杖屨遊溪亭縱遐瞰水竹得佳趣雲間天淡淡滿眼無聲

清愛堂集卷十三

七

詩會心別雅濫如何春草吟西堂夢又暫傷從兄松窓之逝門前

黃篋舫看山同放纜獨立感蒼茫遺文重檢勘手種好蘋

花雨餘香滿甌

雨過穀人祭酒庭桂正花茶話久之用秋懷第八首

韻

吳侯家東郭方池面層軒遊鱗數灑濤捷若脫網奔簾几  
淨於水主客惟清言涼雨隨客至落葉滿庭前連蜷兩株  
桂濃濃芳可餐人非小山隱謠有甘澤編愧我入此室未  
讀卷五千已秋復願夏繞砌蟲語酸隨時愛光景隨分佳  
食眠新畬半種秫但祝書有年  
獨遊芝巖道院殘荷繞門秋花滿徑不逢一人頗有

所會用秋懷第九首韻

芒屨露全濕秋荷葉半乾  
林扉悄無人幾個搖明玕  
雜英間紅紫涼蝶紛作團  
黃庭經在手無事將心安  
心如井華水不風亦不瀾  
但延朝來爽又走坂上丸  
小草忘遠志疲馬樂解鞍

秋夕聽兒姪讀書用秋懷第十首韻

寒家屏絲竹最好惟書聲  
新涼親燈火照讀晚窻明  
先務句讀習始基脩辭誠  
天然調節族入耳洋洋盈  
一門三秀才文陣驅墨兵  
時弟姪應舉者三人所期經術顯  
豈慕好爵榮在陰和鶴子斯邁題脊令

手種菊苗含蕊未吐以詩催之用秋懷第十一首韻

清愛堂集卷十三

八

涼風東籬下金蕊看漸好  
愛惜手栽花未開賞偏早  
移根閱春夏分種乞隣保  
漉酒行餐英汲泉幾濡槁  
爲畱晚節香遲遲亦有道

屠琴塢招同吳穀人戴金溪敦元湖舫小集分韻得

波字

不繫舟中歎也歌酒邊難得舊  
羊何出山雲有遲畱意未  
老秋生曲折波花氣濃吹寒  
露近柳條疎挂夕陽多素心  
戀戀湖頭好初服終思製菱荷

周廉堂侍郎重典浙試相見話舊以詩志別

啜菽曾分鮑叔金孤兒回首感沾襟  
辛酉秋曾以賜金惠及先母只憐

弱弟生花筆共識先生似水心  
尺素虛傳相憶鯉今夏書來未報

層霄還戀倦飛禽京華舊雨如相問手種江梅近滿林

穀人以重刻有正味齋集見示因賦報之

以下屠維大荒落

吾浙詩人源近世前有朱查後杭厲大江以南今雅材低首延陵讓振袂後來居上尠儔匹前輩飛騰餘綺麗性靈書卷功夫兼皮相悠悠諛夙慧君子我乎十年長論交非賄亦非勢經過燕市酒共呼下直西園門自閉羣笑朝衫日日典獨憐詩蓋年年祭青雲有鳥屢投林多在烟波鷗鷺際心迹雙清品絕高自爾吟豪少纖翳脫稿傳鈔千百首手定刪餘再四諦十不存一眞珠船顛顛曾經看子細雞林賈人能識別牛耳騷壇廣津逮幾費風斤月斧勞重排摘豔薰香製塗改或無一字畱推敲必使善聲繼應心

清愛堂集卷十三

九

得手老斲輪已淨聰明走精銳補亡不數戒養什浩歌尚有憂時涕必傳於後無疑者小長蘆叟此其替董翁太放山民織初白庵猶輸品第湖山靈秀大成集衆作紛紜等蟬嘒賤子得朋逾卅載即吏浮湛半送歲爰書讞牘日盈尺誤了平生讀書計達夫學詩年又過縱欲負牆難習藝邁古驚才奇福鍾勞人俗駕塵緣繫煩君一代樹雅南媿我他年說經濟

北山紀遊四首

無門洞

雲壁樹連蝨纏以壽藤古微風乍飛英清香潑茶乳入山萬緣空斗藪證初祖爲參不二門誰是林泉主

金鼓洞

巖竇滴如雨白雲滿籬落下有金果泉清甘試一酌冷然  
御天風樹杪敞虛閣仙蹤于此寄時見飛來鶴

懶雲窩

磻戶少人迹深深竹中藏宴坐觀物化息心聞妙香雲根  
積膚寸草木皆清涼冷笑出山泉終歲有底忙

紫雲洞

天然大斧劈清寒山骨瘦空翠沾霏霏采入霄光漏造物  
無盡藏奇觀匹靈鷲九夏約重游呼衣當暑晝

贈張蔣塘明府

吉安

秋賦同時俄卅載臚言此日幸遙聞酌民不藉餘杭酒行

清愛堂集卷十三

十

部曾開大滌雲清到四知交更淡吟成三影韻頻分圖經  
好待賢侯輯九鎖青山有秘文

京口渡江

楚尾吳頭路重來鬢未彫遠烟瓜步樹斜月秣陵潮到處  
青山郭誰家紫竹簫長安渺天際難別是金焦

汶上口占

汶水南來麥望秋關心甘澍徧西疇當年步禱猶聽說塵

鬢何人識故侯

村民有道予廿  
雨應祈事者

雨中過高梁橋

青驄緩控惜障泥近水樓臺暮靄低重見御溝楊柳色輕

煙細雨畫橋西

長椿寺觀滲金多寶佛塔

瑤源仙李樹香國九蓮花

玉堂薈記九蓮菩薩  
相傳為孝定前身

慈聖東朝

練塔為明孝定李太后建

萬曆元年上徽稱慈聖皇太后

江陵上相麻坤貞耽學佛

秦極務窮奢帝釋身全現都人子亦嘉政由師保出禮向

法王加輟讀蒲長跏呼鑿斗半斜

當朝五更至寢  
所呼日帝起

凝承神

器重切責醉筵差鱗隰糧棲畝龍宮帶倒茄寧論塗鐵塔

直欲聚金沙瑞已微流電光真煥翥霞入紘歸有極七寶

會無遮舊說漉囊異頰將飲水誇對茲青茵菡錫以紫袈

袈智杖禪會卓浮圖罪倘賒環觀驚海眾梵蹟擅京華鈴

語清相續幢陰寂不譁長椿重款寺薄輦小停車

是日難  
出都

忘琉璃地爭輸富貴家

清愛堂集卷十三

十一

彭城旅店與楊邁公方伯

護

習笥山太守

振翎

夜話

不須月影已三人出處臨歧別語真明發清淮心映水一

篷烟雨獨歸辰

七夕詞四首

一梳涼月帶新秋恰恰星期盼女牛此是人間羅綺節好

花開近曝衣樓

玉堂薈記九蓮菩薩  
相傳為孝定前身

碧漢無聲玉漏催多情瓜果巧筵開畫屏如水人如玉早

有紅蛛送喜來

玉堂薈記九蓮菩薩  
相傳為孝定前身

小院羊燈暮色遙又看雲外鵲填橋人生難得無離別兒

女青紅奈此宵

貫月查浮試問津天孫雲錦及時新年年慣整臨風線愛

把金針度與人  
八月十七日雨中聞丈石生招飲賞桂

秋色平分待望舒一天雨氣晚疎疎人遲涼夜興清絕花  
發小山香藹如舊事重談真過隙老懷至樂在閒居歸田  
養福由來少况是風流種德餘

秋郊晚望  
家近青山郭溪連白版扉  
栖鳥爭樹繞放鴨認船歸  
比舍農情眼前村暮色微  
茅茨燈火上還見冷螢飛

落葉四首和許周生駕部

宗彥

作感時且感曾轉

搖落偏于冷眼看騷騷瑟瑟遠林端  
青山添得十分瘦白露飄成千片寒  
敲向柴扉風乍緊埽開蘚迳雨初乾  
亭臯

清愛堂集卷十三

三

到處紛來下點筆曾經倚石闌

由來榮悴總難憑  
林下題紅與偶乘  
不借吹噓辭冉冉  
無端墮落抱稜稜  
翻飛那趁牆陰蝶  
踏響頻招且過僧  
轉盼春風仍送綠  
出頭枝在最高層

秋聲吹送小樓前  
秋氣分明得最先  
獨樹空搖荒店月  
一林寒墜故宮烟  
危柯欲脫鴉驚救  
斷磳平堆鹿穩眠  
多少嗚人懷舊蔭  
更酬雨露望經年

平蕪千里燒痕新  
况復空山迹又陳  
遠寺露來全隕穉  
歸樵拾去爲添薪  
看看蕭瑟隨流水  
漸漸凋零感故人  
惟有歲寒心不改  
青松長作老龍鱗

崔觀察曼亭先生就養嶺南過杭見訪陪游湖上出

往昔曾依杖履春離懷重話綠楊津宦程消長寒潮似詩境句畱舊雨頻際曉鷗心閒似我入冬山骨瘦於人如何漠漠輕陰裏染出霜紅萬樹新

西湖重到識蘇公人道當年澤未窮樓閣煙雲皆妙畫郎

君玉雪又奇童時小郎君從遊百分美醞須浮白七十韶顏尚映

紅料得嶺梅花發處草堂穩臥憶盧鴻

蠟梅

別具梅標格花時歲晚心香從檀口吐春向蠟書尋勻染瞿曇相因依蒼菊林冷蜂飛去後畱得蜜房深

木瓜

清愛堂集卷十三

三

爾雅名徵楸田間種不如此材同麴葉木瓜可釀酒欲報只瓊

珞黃色連眉際酸香澤手餘入林嫌更避翻自整冠徐

松湘浦制府館我於不繫舟偶得一詩以下上章教牂

花徑深深繞戟枝清涼山色露參差一簾柳絮東風緊半

楊茶烟午漏遲故相空齋名畫舫不繫舟尹文端公題榜將軍餘技

愛臨池制府工學十年重到青溪路猶記應官聽鼓時

燕子磯守風

一磯橫立江之涘石勢翩如風燕子石尤知我愛山心三

日帆畱蒼翠裏松門無人鈴自語直上丹厓高閣倚此時

雪浪正黏天忽聽林鐘悟禪理江花江草舊相識吳榜重

來十年矣眼看消長秣陵潮幕府山頭大雲起

望湖樓坐雨次繼蓮龕觀察

繼昌韻

西湖公夙緣煙波入吟想重來經十載野鷗導雙槳濃綠  
畫脩眉涼風送一掌荷花世界中雨到生清響人在望湖  
樓披襟眺遐敞坐銷三伏炎山挹十分爽層構快登臨懷  
賢成俯仰跳珠與翻墨寅哥筆略仿首倡使君詩獨掉詞  
壇鞅巡野定有秋農歌喜勿恹

新秋碧桃試花折枝插旱桂瓶中

嫣然點絳又芳辰金粟開時結淨因月地花天成二妙春  
風秋露寫雙身清高氣味分仙種遲暮光陰送美人滿袖  
香飄雲外染倚來紅豔一枝新

清愛堂集卷十三

十四

清愛堂集卷十四

仁和 魏成憲 寶臣

北山精舍存豪

上

山舟先生齋中見白山茶千葉無心外洋種也以詩

賞之

以下重光協洽

曾入羣芳譜佳名白寶珠無心雲是葉少態雪為膚種自移番舶仙應遇藐姑歲寒姿太潔合補趙昌圖

題朱文恪公尺牘草稿為同年友鶴廣文

邦經

賦

太傅風追溯前朝績用敷高文大丞相遺澤小長蘆屬草  
牋曾擘生花筆自濡雲烟過眼盡璣璧賞心無我友懷宗  
袞殘編得善沽憂時辛且苦染翰乙還塗國是淪中葉邊

清愛堂集卷十四

一

防藉老夫兵戈方擾擾竿牘豈區區昔典容臺禮旋陳政  
府謨東宮襄定策外戚戒攘瑜禍歎清流激名成砥柱孤  
手書三十二如見古眉鬚

同年侯獅庵樞部

健融

下世二十餘年蔣礪堂中丞

來撫吾浙詢及後人因令其仲子

履端

往謁介之以

詩

孤露飄飄悵影單雲霄念舊古人難許窺東閣花茵暖為  
念西華葛屐寒此日窮鱗需尺澤當時走馬並長安  
亦是蒼生一歸向菰蒲話好官

比部王生

延濟

書來詢余近狀率答

寶田

老筆耕如二頃田山光青到講堂前新來自署西湖長風

月何曾費一錢

寄語傳衣別有情官書夜燭要求生只今立雪人如鵲遙

指門前一桂榮

生以乙卯登京兆榭第一

座主胡文格公扈從灤陽館於納翠山房公歸道山後陳梅垞同年復以扈從居此感懷賦詩以寄公子嶼亭今梅垞亦下世矣嶼亭作山房圖稿屬黃左田翰林繪成橫卷兼以梅垞詩索和因題二首

斜川粉本一峰皴想見行廬武列濱納翠濛濛當遠岫出藍草草又前塵文章遇合心如水師友平生氣得春展畫重吟懷舊句牙絃何處覓陳人

海山兜率兩茫然

用坡公句

結習猶餘翰墨緣秋燕巢痕頻徙

清愛堂集卷十四

二

倚春蠶情緒總纏縣關心風月三生石回首雲霄尺五天同是歐陽門下士散材媿我雪雙顛

菱湖

綠陰疑過雨到眼愛湖鄉市遠稀津鼓人歸受野航種菱繩界水煮繭雪浮香是處宜休夏鷗波自在涼

蔣礪堂中丞招同周廉堂少宰曉過開化寺

入山不鳴騶却與野鷗侶長松生夏寒寺門綠無暑一江澹於晝晨氣涼如許清風吾故人時送塔鈴語

六和塔寫望

茗亭月輪峰紺塔下無地攬身出外遲遲雲與意潮生復潮落江流三折字初帆正開時越山滴涼翠

這暑至祖塔院

泉聲與石色人度蒼翠裏亭午不知炎稻花香數里松門  
一徑轉清涼境如是風軒客夢長虛籟泠然起

坐虎跑泉上

移來南嶽泉階前虎心善甘芳列茶經幽響分竹筧比潔  
玉不如浮漚珠自轉持以喻雙清一泓猶淺淺

題礪堂制府浙水迎舟圖圖爲自河帥量移再撫浙

時作

紅燈滿路三更送寒柳條長牽別夢綠舫乘湖千里迎梅  
花香遠聽臚聲送迎弦望載周耳浙東西人咸有喜清芬

遺愛植槐庭

令曾大父集公先生  
開藩吾浙惠績久著

期月勞心籌瓠子

駐南  
河甫

清愛堂集卷十四

三

匝月呼吸民心卽

帝心萬家生佛許重臨無私風月春先轉有美湖山澤更  
深山色湖光關樂意陽春有脚年年至江淮同此澹蓄心  
吳越都成滋福地清切慈雲願久攀建牙又隔粵王山之  
江三折恩波遠流到扶胥黃木灣一載借恂欣有託雙旌  
戾止猶如昨卽今芟舍去思眞尚憶回颿前度樂我亦蒼  
生歌薦于定知合浦早還珠他時使相如移節爲寫迎舟

第二圖

艮山門外辨利院大士畫相百二十餘軸爲王芑檣  
先生靜便齋供養舊本吳西林隱君移奉是院者也

二月十九日敬詣瞻禮因用靜便齋集中乞吳甌亭

施陳老蓮大士畫相元韻卽題陳玉几所寫觀世音

變相幀端

以下元默涪灘

慈雲頂禮繪絕殊供自王瞿繼者吳靜便齋曾乞寶相辨  
利院更移神模白衣仙從海南至楊枝水月花雨餘擅場  
好手寫一一唐宋而下非模糊三熏三沐益儼若古心古  
貌恒依於參不二門觀衆妙妙吉祥林歎所無得句呈佛  
時撚鬚風流二老皆耆儒我昔無緣法席趨未撰杖屨承  
巾孟詩人已邈化人在只今蒼蒿開紛敷東皇春深農脫  
襦禪扉乍款阿買俱余好仙幢寶蓋蓮花鑪或海涖灑巖  
盤紆或功德水彈以指或思維樹坐以趺應接不暇百餘  
軸遠摹道元近聖謨中有吳道子石刻及項子京真蹟卽此變相亦幻如

清愛堂集卷十四

四

步陞赤脚若可呼旋螺紺髮櫛沐除豈病維摩同化軀楞  
山手筆施精廬清涼松道歸香厨斗藪煩惱且合十照徹  
濁水摩尼珠

西馬塍看花因過清寧禪院池上同邵聘莘茂才作  
東風先到野人家遲我嬉春感鬢華過了輕寒寒食雨嫩  
晴齊放馬塍花

二月風光到眼前散花灘近漲溪田提攜童子宜春服紅  
板橋頭綠柳邊

無窮紅樹望灣環試叩禪扉脩竹間莫惜雨餘花淡淡輕  
霞好襯夕陽山

方塘十畝綠差差已有飛英水面吹愛看游魚啖花影濛

梁樂意我曾知

立夏過芝巖道院時庭中雜花盛開

里門遊釣記童年重訪丹房足靜便水湛湛如離垢地花  
深深是送春天行吟選樹皆清福坐隱焚香卽散仙尚有  
步虛詞縹緲冷風吹下韻琅然

題伊墨卿太守秋水園圖

迥叟獨樂園花竹秀而野結茆爲亭臺分題張風雅在人  
不在園名冠洛陽社伊侯吾老友六載投林下俸錢本無  
多買山亦聊且北阜相纓帶松桂與梧檟池塘割五畝秋  
水我心也水邊竹無窮竹陰花姪姘閒之以吟屋蓋頭茅  
一把詞流更倡詠畫史遂傳寫烟波有盟鷗聽事僅旋馬

清愛堂集卷十四

五

開徑招羊求讀書慕黃夏雲泉如出山戀此未能舍溯洄  
從之游吾其問津者

題楊子鶴百牛圖殘卷用東坡書晁說之考牧圖後

韻楊晉字子鶴常熟人一字西亭蔣文肅跋稱百  
牛圖今圖中只三十四牛前半爲人割去矣

有唐韓與戴粉本工畫牛後來遞祖述形似皆刻舟西亭  
楊叟興屢移或寢或訛物態知圖成百牛卷春郊放牧催  
春蠶殘縑賸六尺三十四頭肱麾之連山青草長飲池還  
相羊郭椒丁櫟一一致生動前茅割裂尚有太半強南沙  
好古已泉下零落人間不全畫圖爲蔣文肅公  
所藏後有題識愛此田園  
太古風牛背牧兒旁老翁

藍一枝明府

桂

招同伊墨卿趙晉齋

魏

何夢華

元錫

戴金溪 數元 小巔小石兩開土南屏山舫小集

仙吏爲攜酒屏山許其登飛泉挂樹杪壞塔倚湖稜縱眺  
吟筇健畱題醉墨能風流追老輩又見兩詩僧

墨卿見示手定詩彙賦贈一首

衍波箋子香姜瓦弱冠才名噪日下蒼生憂樂察眉事誰  
識龔黃本終賈結言千里慰遠別投我一編拚羣雅捶琴  
擊鉢往時句少作汰餘存亦寡揚州六一惠州坡秋菊寒  
泉薦芳筇封狐伏莽筆先籌肅雁劬原淚如瀉篇篇盡是  
春陵行猗玕子後繼聲者使節曾浮湘水棹故園近結香  
山社本之忠孝近文章能以性靈付陶冶由來餘事作詩  
人字括三蒼奏九夏期君出山雲四垂老我種樹書長把

清愛堂集卷十四

六

且同洗眼對西湖不覺低頭拜東野

雨中柬墨卿湖上

浚激梅子雨添得上湖清五月初如許四山雲自生夢回  
丹荔熱心與白鷗盟笠屐訪碑去多君濟勝情

寄礪堂制府

多少蒼生憶好官甘棠花又一春看

皇恩未許三年住膏澤猶畱萬頃寬吏飲清冰爭自濯士  
依廣廈不知寒爲傳辛苦茅檐話粟賤思追李峴難

巖疆百粵控星羅清節爭餘大澤和英蕩宣風柔象服樓  
船橫海靖鯨波俗當繁會宜先儉化本廉平自不頗千里

照人如霽月梅花笛裏感恩多

家竹窈兄薄游永嘉有詩見寄奉酬一首

別袂相看雪滿頭離情無那又東甌灑殘江雨黃茅瘴穿  
破嶺雲青竹兜九十春暉增戀戀尋常酒債付悠悠故園  
兄弟登高會但盼歸帆及早抽

墨卿雨中作西溪之游

送君斜風又細雨船頭短蓑獨速舞與鷗同破一溪雲搖  
入青蘆幾里許蘆中處處畱茅菴梅花開時僧約探君來  
已逢梅子熟爲貪清景桑三宿

贈許溟生茂才

乃普

兼呈伊墨卿太守

我交墨卿卅載前齊名日下俱少年問年陸機初入洛戰  
文戰詩樂莫樂曩時意氣猶觥觥風流文采今溟生溟生  
清愛堂集卷十四

七

亦年二十六坐中佳士比脩竹以爾驚才咳卽珠況予說  
士甘于肉到處逢人說項斯故人今又在湖湄癸辛識後  
添行卷丁卯橋邊共品詩詠君詩酌君酒我與墨卿同斂  
手有如此筆醴陵花回憶當年張緒柳雲帆直挂送伊人  
月旦重評延益友

雨後遣興

大暑忽去清風來雨餘一半斜陽開門無剝啄但檐滴湘  
簾斐几除纖埃秋蘭抽箭香淡淡庭花紅紫依蒼苔涼蟬  
不嘶客不到伴我脩竹兼疎槐此日此境足瀟灑賞心一  
歲能幾回心閒無事宜讀書不爾亦酌澆書杯

王竹嶼別駕

鳳生

自白下來以詩見投次答

一帆斜度妙高臺，重到西泠燕寢開。  
涼雨漸催殘暑去，清風恰喜故侯來。  
知君別後尋山屐，媿我衰餘問字杯。  
聞道種松天闕路，白雲戀戀首頻回。

送陳鑑軒同年觀開藩江北

黃塵席帽金臺客，適館君家大阮宅。  
走馬千門看榜晨，翩翾附驥長安陌。  
相攜射策殿東頭，偕向慈恩院裏游。  
我落雲司君水部，含香畫省幾經秋。  
異條本是同林種，退食素心晨夕共萬卷。  
丹黃爲品題諸郎，玉雪方絃誦軟紅。  
風月賦驪駒先後承。

恩上考書荔子南鄉君，茱舍梅花東閣我。  
分符三十六鱗傳遠道，中間一再曾班草積歲。  
心憐舊雨遙，故人來似清

清愛堂集卷十四

八

風好有美湖山柏府臨，曲轅散木恰歸林。  
爲郎已近馮唐老，將伯頻分鮑叔金。  
飄然一笠車前影，愛對虛堂懸鏡靜。  
側聽吳歛徧頌聲，又從江甸開行省。  
二水三山記得清茅檐，辛苦話蒼生。  
飛鴻只在淮南北，要使寒人百室盈。  
卅年老友心如結，況是州民交臥轍。  
君與西湖有夙因，八鷓重到春移節。

冬夜臥常足冷許丈芋園以錫奴見貽率賦志謝

獨眠穿藜牀，早衰歎蒲柳。  
赤腳蹋會冰，布衾如鐵否。  
瑟縮常苦寒，攣拘不敢蹂。  
貽我煖足餅，甚媿丈人厚。  
解屨雙趺承，燂湯百沸後。  
注滿熱在腸，喜溫侈厥口。  
器無慮傾，敵量可容升斗勞。  
筋稍稍寬息，踵蒸蒸受賜。  
沐啣傭奴生華羞。

老婦夢境安且燠柔鄉無何有錫朋奚翅百耐冷將要久  
傳語重繭人方同不龜手

重遊南山有懷礪堂尚書

秋光只在翠微間滿眼雲濤往復還辦得芒屨方竹杖健  
如黃犢走青山

步步穿雲畫裏行舊同游處認分明山中人說公遺愛松  
影泉聲一樣清

謝芋園丈送瓢兒菜

不收一瓢樂香還生菜根剖餘菘葉圃挂向杏花村並薦  
辛芳味徐挑甲翠痕自今容瓠落長鏡種東門

月夜唐樓道中

清愛堂集卷十四

九

丁山湖上月照到下塘西人影吠寒犬川光隱凍鷺市梢  
漁火淡橋外峭帆低近適年來嬾顛當愛穩棲

重過陳遠山梅垞兩同年故居感賦

寒冰薄日禦兒鄉爲訪元亭繫野航庭有秋蘭佳子弟夢  
餘春草舊池塘怡顏半世東西屋豪氣同時上下牀珍重  
賜書無恙在一燈還聽誦琅琅

梅垞下世十年今往會葬以詩寫哀

驪歌送我記春明重慰孤兒涕淚傾

庚申奉使江南臨  
唁先大夫之喪

衰

草白楊悲永逝曲江紅杏媿齊名半千孫小朝霞氣

一孫  
纔八

齡

尺五天高舊履聲願影淒其磨鏡具麥舟都是俸錢清

夜泊橫里大雪

冰膠觴聲澀月淡林影微宮漾十二里風力加寒威且就  
仲墅泊一葉蘆之碕漁燈搖數點雲絮匝四圍雪花大於  
掌俄焉滿船扉村落不知夜驚起沙鷗飛人懷松雨往明  
仲微杭州人居北關外之橫里地  
有仲墅及十二里漾著松雨軒集春助梅格肥此景同泛  
剡但少綠蓑衣然無身

歲暮貧甚廉堂少宰分俸見惠賦謝詩行三四十里  
窮交散盡賣文錢昨夜清寒剩一瓊飲水心期差自喜斗  
升分到必廉泉

解圍門外鴈行斜那得瓊瑤報木瓜一笑尋常無酒債子  
不商量小歲買梅花

臘月二十四日雪中楊柏溪廉訪以黃羊見餉

清愛堂集卷十四

十

委巷臘鼓喧寒廬雪色淨塗竈昉汴京茲辰醉司命聞昔  
陰子方黃羊祀拜慶厥後富家吉謂藉劔童請故人知我  
貧衝寒餉特盛柔毛效右牽合展子郭敬儉已賦絃絨貲  
且侔卓鄭媵以雙舒鳧江湖寓游泳感君意良厚紛吾讀  
未竟用莊子讀  
書亡羊事朝飲罷沈猶願卽誦爲政心

從姪承恩蘭州信至言雪後度嶺日徒行三四十里

敝裘外蕭然無長物勗之以詩

跋馬蘭臯萬里程微官也要勗修名層峯繭足生憐汝但  
揀青雲穩處行

天涯風雪做裘單形影羈孤去住難癡叔一言憑寄與梅  
花香在耐清寒

懷吳茂才 上尊 客粵西集社

當代論才子因人作遠遊餘生如過鳥宿昔具扁舟風月  
自清夜行藏獨倚樓無才逐仙隱吾道付滄洲

清愛堂集卷十四

清愛堂集卷十一

十一



清愛堂集卷十四

自謂分符藤嶽嶺對無木溪山翻吾歌竹韻  
當分儲太子因人許發歌絲里收歌鳥音管具風抵風只

對吳茂才 上尊 客粵西集社

清愛堂集卷十五

蘆筍未出春尚嫩  
水仁和書魏成憲  
寶臣

北山精舍存彙

春題題孫頤谷侍御勘書圖遺照

以下昭陽作照

博士試第爭紛紜路行漆書合私文典籍錯亂後世屢禮  
堂寫定誰傳人子雍覺言安排觝大儒功垂通德門難王  
申鄭紹漢學千載又見蘇門孫中年能冠挂神武百城坐  
擁窮皇墳點勘不畱苗髮誤一笑淮雨兼金根深柳書堂  
十笏地風流所被推經神懷鉛握槩老著作作謝承應劭添  
功臣 先生會輯謝承後漢書應劭風俗通佚文 指窮薪火鑿楹納小同能誦先  
人芬名山自有不朽業莫論表表蘭臺勳

清愛堂集卷十五

一

人巷三月十一日同春嗒弟攜甥陳源姪謙升汎舟西溪

日出赴小石開士看梅之約

曙色雲解駭東風寒未消遂果溪上約喚艇西堰橋法華

山前路蒼翠不可描蒔梅種脩竹生計隨漁樵花時香漠

漠那記曲渚遙卯君與童冠偕往非寂寥重來經十載舊

侶殘英飄 穩辛酉小除日陪竹堂春渚兩先生暨穀人柳村探梅西溪今惟穀人與余在耳 昔遊

剛小歲今遊已花朝春遲及春早一笑同攀條吟僧水邊

待閒如汀鷺翹

小石於蒹葭里相待因同過交蘆菴

蘆筍未抽碧清曠但煙水方袍畫裏行遲我梅邊浹秋雪

約竟爽 去秋蘆花時期而不至 春波澹如此步入青豆房且住為佳

耳溪雲偶然出莫問交蘆旨

訪水村上人不值猶餘翠墨香

老居士

許青士玉年滇生錢石年午餘亦至同飯於行菴

討春始出郭川路轉迢遞林間午鐘罷恰盼吟篷繫一笑  
四詩人相逢雜縞袂塵網雲水空禪榻茶烟細遂開香積  
厨燒筍味甘脆住山如有緣桑竹隨時藝門榜寫丁子筆  
餘垂露勢

小石出觀丁龍泓先生篆書行菴二字墨蹟

愧無呈佛詩且說拈花

偈

暮至木橋同訪高詹事竹窗舊址

暮色蒼然遠返景照籬落高下花更明邈迤度略約風香  
渺何許嵐翠淡猶著指點舊池臺繁華笑猿鶴寒梅綺牕

清愛堂集卷十五

二

前江村不可作且買拋青春藉卉暖芳酌

月上回舟三更達西堰橋十里中梅花如雪青士諸

君畱宿行菴以詩寄之

花間待明月明月送船歸却顧香雪徑空濛在翠微川渚  
光練練花塍氣菲菲翠音十里緩輕霜霜人衣參橫斗又  
轉點綴雲葉飛溪山畫不到清景平生稀詩中如可畫除  
是謝元暉遙知羅浮夢翠羽啼林扉

三月三日同莫灘山

灘

高未堂

家駿

邁菴

樹程

集朱

友鶴

邦經

學舍五人皆丁酉同年經今三十七載合

三百四十一歲卽席有作

摘蔬風味執蘭天老向洪崖笑拍肩鼓瑟吹笙成昨夢乞

漿得酒又今年鳥因求友飛忘倦花到飄茵態極妍我是  
如來最小弟相看也復雪雙顛

聞鄰寺牡丹盡開四月一日徧遊賞之

茶烟禪榻愛經過爲訪名花踏逕莎始信頭陀眞富貴纔  
交首夏亦清和林間幽鳥晴相喚門外澄潭靜不波記得  
春明極樂國天香衣上染猶多

憶癸亥四月朱文正公  
招游極樂寺看牡丹事

屠琴陽明府書來問訊以詩報之

聞說眞州宰三年治行嘉江南得循吏海內數詩家估舶

多高枕蓬門盡紡花孝娥碑未作爲我更攜華

邑有孝女  
張巧姑年

十四赴  
火救父

一自金臺別衡茅遂養眞諸生多載酒萬卷未全貧舊夢

清愛堂集卷十五

三

紅橋月歸耕綠野春恒飢才易減詩筆頗如神

爰積堂

三慶

以詩見投次韻答之卽送其仍客揚州

八年林下少新知分作煙波一釣師春滿剛逢脩禊後君  
歸又過落花時湖邊柳碧濃舒眼江上峰青淺畫眉好去  
紅橋吟芍藥老夫局外但觀棋

四月二十日友鶴招同維山未堂邁菴復集齋中卽

用前韻

手把漁竿已信天猶餘結習聳吟肩殺雞爲黍申前約走

馬看花憶少年名共廣寒成老大官因獨冷得清妍圖畱

雅集分題好

邁菴作苔岑蕭  
會圖同八題之

神妙秋豪欲到顛

李滋園觀察寓居湖上金珊圃水部招同周廉堂少

宰吳湘南少府泛舟遇雨次滋園韻二首

騎鶴揚州亦復佳，昔遊曾共泛清淮。  
六年前東閣偕戊午歲予出守揚州滋園從遊，白髮幾星難更染，綠波一

雨淨於揩雲，歸雲起須與事畫，勸涼風足暢懷。

急流難得峭帆收，生怕逢人說遠遊。  
山淡淡已含秋，故交此日歡開口，佳士當年放出頭。  
重斟待明月，問奇酒滿不須愁。

理安寺

意行溪磴道，采入翠烟重。  
能伏虎，雨氣欲呼龍。時山田望雨浩浩江聲近，清涼第幾峯。

法雨泉

清愛堂集卷十五

四

契公遺跡在，法雨滴涓涓。  
猶有淅淪茗，豈無緣更上。  
石屋

石屋

結構天然具，排空石氣青。  
結構天然具，排空石氣青，巖腰開奧窔，山骨透瓏玲。  
結構天然具，排空石氣青，巖腰開奧窔，山骨透瓏玲，終古  
跌迎葉何年，擘巨靈題名，數行字，剔蘚辨熙寧。

煙霞洞

鬱紆山徑僻，步步入煙霞。  
羅漢果石上有舊鑿羅漢初歡木犀花地多早桂，一飽伊蒲饌，松陰試

點茶

同滋園登六和塔

一江如畫不知暑，蒼翠松門小延佇。  
上方湧立窳堵波，撼

地靈潮勢能禦七重關楯相鉤連百尺梯桄快輕舉振木  
落落御天風健者何人素心侶風帆沙鳥越山間之字流  
長歸海巨遺民汐杳難作極目剡源渺何許天開圖畫  
月輪峰人在烟波富春渚凌虛弔古夕陽外惟聽塔鈴獨  
自語鈴竈欲下頓忘釃替戾騰輪猶警予來時路出飛鳥  
邊平地回頭駭徒旅雲霄曾到初未覺憂樂江湖吾與汝  
旱苗無數望甘霖心香一瓣鐘一杵

遊虎跑寺用坡公韻

微風清扇渚蓮香松下開門一味涼佳客心如脩竹靜空  
山日似小年長泉聲細細分諸澗雲意遲遲出上方我已  
多時蠲茗飲操瓢自愛枕流嘗

清愛堂集卷十五

五

贈趙寬夫秀才

坦

菴浦句山不可作後來之秀趙寬夫讀書無間漢宋學下  
筆絕非章句儒苔繡秋扉三徑僻螢乾夜案一鐙孤扶輪  
當代汪宗伯

謂瑟菴  
主司

相馬應歸舊識途

九月三日費新橋編脩陳午橋許青士兩庶常陳芝  
塍許澐生兩明經招集戴氏園亭餞周廉堂少宰還

京

半畝池塘樹十圍桂花香氣乍霏霏涼生暮雨滿秋暑畫  
出紅鐙繞翠微歌扇輕盈嬌欲語離觴美滿送將歸酒邊  
共話春明夢淡月東華漏點稀

次日同孫靜川觀察許芋園比部朱春泉司馬集金

珊圃水部齋中復餞廉堂少宰

酒入牽率又題襟白髮紅筵款款心楊柳池臺縈別緒菊  
花天氣淡秋陰折梅庾嶺離情遠

時子將遊嶺南

埽葉蓬山舊夢

尋

憶丁未同校書文源閣事

況是西湖拋不得使星明處盼重臨

自翁家山至滿覺隴一路行桂花香中際晚始還

秋氣動巖桂雲外飄香濃五里復十里淺叢間深叢言循

楊梅鴨遙指烟霞峯步步踏層碧劣可樵逕通夾徑藝花

遍藝粟將無同鋪茶夕陽色沈浸蜜味中結芳且延佇招

隱吾其從故人已持節

時慶蕉園方伯李平山兵備同遊

野老兼扶筇共

登衆香國染香待清風一鼓小山引如聽萬壑松

客有鼓琴者

二弟瑤舟讀書松桂林遺照姪謙泰請題時子將粵

清愛堂集卷十五

六

遊

披圖猶認苦吟身悵我花間白髮新春草池塘尋斷夢夜  
牀風雨渺前塵遺書尚有孤兒讀嘉樹還畱手植親門戶  
支持期盡瘁天涯明發又勞薪

立冬日南屏訪小顛上人坐雨山舫

寒雨四山雲紅樹半深淺人行青蘿逕時吠隔籬犬一笑  
間何澗茶話冷然善靜悟壑藏舟迷破蠶裹繭詩老久凋  
零師及追勝踐南屏鐘又動歸棹晚湖翦

湖上齋居雜興

斜月如鉤動曉鐘一湖春水碧溶溶林鶯未嚙客先起和

露和烟花氣濃

簾卷輕寒燕未回空庭猶綠去年苔東風幾日渾無賴新  
柳彎腰花脫胎

埽地焚香無箇事跣趺愛借佛前燈木魚聲裏書聲起算  
我堂頭粥飯僧

十二橋邊烟柳斜討春人似放蜂衙紛紛桃李可憐色別  
向馬塍看菜花

相賞都於松石間幽尋難得一身閒更番樵舍僧樓住底  
事塗褻別買山

青袍花底立參差豔說當年舫課時一勺寒泉一枝葯葉  
公祠配水仙祠

明葉侍御永盛以舫課  
開先至今春秋祠祀

零星金粉舊亭臺去盡遊人獨自來漠漠溪烟淡無際一

清愛堂集卷十五

七

枝柔艸綠萍開

自學撐篙愛叩舷閒僧伴我野鷗邊搖搖紅藕花中去涼  
露滿身月一船

望雨午炎雲亦好忽蒸猛雨四山雲須與萬柳清風掃知  
了數聲涼十分

喚渡無人水自響裏湖近已少魚罾葑田萬丈涼雲外斜  
日停橈賣刺菱

芭蕉葉大竹萌瘦秋雨澌澌上老苔忽地涼風雲卷白隔  
湖一半夕陽開

自度航空冷釣絲

陸丈  
篠飲

冬花盒掩落花時

奚九  
嫩生

雲烟過眼

風流歇不見西湖兩畫師

枯荷折葦景淒迷喚渡西村又向西山際一燈初上處  
聲漸遠雁聲低

月明如水一枝簫萬籟無聲夜沈寥風露泠泠秋浩浩  
畫中人在第三橋

昨日九溪僧有信木犀開早滿山秋果然花氣濃於蜜  
十里泉聲青竹兜

老晴天氣颭西風水縮雲歸眼界空惟有南屏不清瘦  
夕陽紅活一林楓

蠟梅南燭海紅花冷落山園乞幾家此是歲寒吾臭味  
軍持亂插任敲斜

竹窗向曉讀書燈簾隙霜華滿硯冰昨夜缺脣瓶凍破  
山清愛堂集卷十五

八

梅香韻更稜稜

春風坐上已三年手種花開色倍鮮不事賭茶兼載酒  
予

勝杯杓且戒茗飲問奇但酌僕夫泉

北高峰上看晴雪去踏樵夫草履痕不染纖埃凌絕頂  
梅花香已逗山村

里  
日  
木  
早  
山  
然  
外  
露  
冷  
秋  
畫  
十

人  
一  
林  
畫  
飛  
空  
寒  
風  
亂  
合  
十

西  
水  
又  
向  
西  
山  
際  
一  
燈  
初  
上  
處

清愛堂集卷十六

仁和 魏成憲 寶臣

粵游草上

寒潮夕陽外人在青山郭桐江清幾折一帆懸又落丹楓  
與翠篠步步好林壑我亦披羊裘天涯笑行脚

過釣臺二首

烟波大澤久名逃赤手猶堪釣六鰲舊日故人情戀戀算  
來惟有客星高

山水清風愛此鄉只今脩竹繞祠堂不貪不懦尋常事身  
在江湖志廟廊

清愛堂集卷十六

蘭溪舟中喜雨

篷牕愛冬旭和煦如黃綿行行富春渚橘柚生寒烟灘淺  
舟屢閣葦間或延緣安得澤下尺容易百丈牽雲陰忽已  
合暮雨生江天灑來帆葉重洗出楓林鮮山溜來汨汨篙  
師喜叩舷天公憫飄泊潤物期濟川不然升斗水行換瓜  
皮船且酌餘杭酒清夢成鷗邊

三衢道中

雲碓柴扉外峯巒面面看橘枝翻水調蘿蔦船名上烟灘酒

賤占年稔裘輕耐歲寒多情故園月送我過西安

十一月十五夜玉山對月

蕭蕭白茆屋枕流春野碓西風生暮寒月影一灘碎淺

膠柁牙亂石響船背舊識懷玉山朗朗今宵對

廣信阻風

雲黯空林起石尤寒燈颭影暮江樓雁聲帶雨灘聲大此  
夕行人宿信州

弋陽

招招三版子路轉弋陽溪塔頂看如蠹歌腔聽未低  
倒刺有弋  
陽江湖千里雁霜月一村雞見說豐年樂天涯靜鼓鼙

舟曉

水宿晨光動郵籤隻堠長山腰橫薄霧篷背淡濃霜壯觀  
左彭蠡前遊古豫章昨宵清夢遠卻未繞鷗鄉

貴溪舟中見鷓鴣

清愛堂集卷十六

二

下灘水清駛百里灘就平一羣曬翅烏西日魚梁明踈踈  
貌閒暇拍拍波縱橫鴉塗色如墨獺祭禮有經需于沙泥  
吉利與網罟爭叔鮪成小劫玉鱸或衆擎濫淵嗟莫飽竭  
澤尾悉賴爲人肆拏攫所得空涎腥沉命何太殄浮家安  
所營雲飛與川泳注目江天晴

謁張睢陽廟

孤忠人是讀書儕遺廟千秋傍水涯此日神鴉送彭蠡當  
年賊馬阻江淮蒼茫不曉羣靈會忠信堪憑利涉懷試看  
分風帆葉葉官亭湖面鏡新揩

晚渡鄱陽湖

洪湖收潦淨無煙擊汰中流意渺然亂帆去聲呼風疎樹杪

孤村曬網夕陽邊空餘雁渚騰寒吹絕少螺峯淡遠天白  
首重來光景換雲飛南浦自年年

重過滕王閣感賦

潭影閒雲幾度秋漁竿滄海舊沙鷗如何三十年前客又  
上西江第一樓

登高筵上綵毫端記得華年似子安一劑平生知己淚西

風灑向暮潮寒

吾師胡文恪公視學西江  
曾在幕府以國士見待

鍾期流水雍門琴彈出平沙落雁音一事差羸韓吏部江

山好處兩登臨

盛孟巖廉訪

惇崇

胡硯農觀察

稷

招飲率賦

畫戟霜飄卜夜遲客懷暫遣故人卮雙江爲政清相映十

清愛堂集卷十六

三

載重逢醉不辭紅燭秋簾風掃葉

乙卯京兆試與  
孟巖同領分校

碧筒夏

課雨催詩

硯農計偕  
曾結詩會

春明舊事從頭說此別梅花寄一枝

同年劉新巖太守

若璩

龍肅齋司馬

澍 招集郡齋

此地重遊經卅載同年一座恰三人風流日下依依昨星  
聚天涯落落晨公等黍棠交美蔭年來松菊剩閒身酒邊

愁聽山陽笛懷舊還憐孺子貧

時同年張石壘之子  
春潭茂才亦在座

金花潭宋孟太后祈風處

靖康南渡烟塵日曾憶雙蟬戴孟家風雨匡山遺恨香江  
潭猶是訪金花

樟樹鎮爲王文成公誓師地經過感賦

講學包謀勇遺墟昔誓師流傳新建伯遭際武宗時跋扈

維藩狡跳梁爲國疵公方撫南贛兵適弄潢池岌岌置都  
壘堂堂大將旗同仇驅猘兪列郡集熊羆黃石磯連戰紅  
羅幟更麾禽渠樵舍伏獻捷羽書馳法駕將親討長纓未  
許羈依然豹房樂眞箇棘門嬉蹕警戈矛耀倅旋綵繡施  
九華從此逝一木已全支彬永恩偏渥謂江彬孫胡榜共  
垂公與胡公世寧孫開先畱片石廬山摩厓紀功嘉靖兆  
丕基紀功碑云式昭皇靈嘉靖我一自滄桑變空餘猿鳥  
悲雙江流滾滾大樹影離離籌筆尋孤驛囊沙賸淺涓奇  
勛貴神速上策戒濡遲吉語兼旬報禽宸濠只勞臣百世  
規有儒三不朽微獨牖良知

長至日小雨峽江晚泊

清愛堂集卷十六

四

峽雲滃船渺無際節物鄉風渾不計歲暮光陰一線添江  
天寒雨如絲細龍母廟前浪嚙城廬郎紀異筆崢嶸地有龍母  
廟唐盧肇碑文尚存如何閒卻爲霖手但作蓑蓑篷背聲時正望雨

十八灘二首

贛石三百里戒塗夙心悚茲來徧冬杪水縮沙盈壅四山  
土戴石浪嚙石不輦一灘復一灘槎牙而闌茸割愁森劔  
鏗鎖瀾貫極萃俛如獅獨蹲仰若馬齊駮但見石齒礪幸  
少浪花涌舟爭罅隙行投篙浩呼洶峽束上更艱流急退  
難勇人誰戒垂堂地合名破冢且吟玉局詩孤臣泣惶恐  
昔年二十七章貢清流照灘聲與石聲風雨號萬竅橫空  
噴雪奇作勢疾雷繞篙師且倉皇而我尚諱獻重遊廿載

後寒潦可垂釣奇礪露礫回溜減奔峭帆遲定驚魂山  
圍足幽眺天公哀龍鍾自顧異年少孟浪去江鄉奔波落  
蠻徼還尋鬱孤臺載謁儲潭廟慚媿濟川心臨風歌水調

黃金洲見新竹一林

新粉一枝枝初篁冷不知青霄容易上難得歲寒時

尋鬱孤臺舊址

卅載客重到高臺今已傾城頭衰草白帆背夕陽晴入境  
從人訪雙江到底清憑虛風浩浩不怕嶺猿聲

舟過南康縣沿山松翠彌望新篁解籜野梅正花幾  
忘近臘時矣作歌以寄里中諸朋好

灑江東上清流渟十里五里長短亭好山迎送旋螺青青

清愛堂集卷十六

五

松落陰環巖扃烟光如春浮遠汀野梅如雪風中馨其開  
帶以翠瓏玲竹萌新粉含星星白沙村路無畦町有烏鈎  
斲聲可聽年光破臘川塗經絕少寒色侵書舫故園此時  
微霰零海紅一枝開膽瓶

大庾旅舍見白山茶與桂花同開

寶珠逸品白山茶記得吟成學士家

白山茶山舟先生齋中有一本會索賦詩

重見天涯少冰雪染香還配月中花

梅嶺

絕頂盤空候雁回瘴烟低壓越王臺白雲封忽半遮斷青

玉峽如中劈開秦漢只今餘故壘

秦以梅鎬得名曰梅嶺漢以庾勝得名曰庾嶺

韓蘇曾此放雄才天公私我歲寒福花滿枝南枝北梅

梅花  
盛開

張文獻公祠

曲江風度好下馬拜初經若保千秋鑑那聞萬里鈴嶺梅  
香破萼海燕倦開翎追享嗟何晚愁看劔閣銘

臘月十六夜始興江口對月

十二回圓月天涯奈此宵清光看更好湏水潦迢迢

彈子磯

江行望極遠刺天峭峯削羣山勢蜿蜒獨讓氣磅礴石脚  
插江滄黑雲壓帆落云是彈子磯揣稱殊不若陡壁立千  
仞積鐵未開鑿上有太古湣間以瘦藤絡饑鷹偶來盤愁  
狖無處躍線路容鈎梯霄關絕棧閣灘偪篙啄厓石露水

清愛堂集卷十六

六

歸壑面面各異境絳黛亦參錯更遙更佳哉一朶青蓮萼  
夜登觀音巖

海月遲未上穹巖壓江黑樹杪指佛燈取徑旋螺仄舉頭  
天一握垂足石二分架屋若懸度屋角棲孤雲雲根勢欲  
墮寶相承趺坐縹緲鐘魚音洞門不扃鎖山鳥報寒更客  
心幽怖生星芒照歸路林籟兼灘聲

雨中過英德

一枝塔影遠林間綠淨冬江折幾灣曉雨紛紛帆葉葉白  
雲如絮是英山

英德道中寄吳穀人祭酒馬秋藥奉常

行盡西江又一回羊城雲際想朝臺飄零到處添佳話庾

嶺梅花恰恰開

韶州山好又英州奇絕難將健筆收畫出吟成總非想詞人爭不嶺南遊

順風過香爐峽

少遊廬阜雲盪胸飛流瀑布香爐峯晚歲蠻鄉脚新插乘風破浪香爐峽浪花如雪風力巖寒江獵獵搖殘蘆斷崖  
給餅飛鳥絕盤渦溱溱篙師呼此時千金浮一壺沉飄凍雨雲模糊下水輕舟莫倚柂蒲帆直挂驚檣烏臨深漫詔  
憑忠信出險懣魂爭轉瞬江湖滿地泛客星塵容未洗慚山靈

舟中望峽山寺

清愛堂集卷十六

七

風利如何得泊舟翠屏幾疊白雲留分明靈鷲峯前過映帶寒江尺五流

羊城除夕

且酌椒盤酒重挑旅館燈天涯尚飄泊暮景劇飛騰遠雁稀傳信寒蛟待可登

昌黎詩其下登秋  
水有蛟寒可登

五羊仙觀近持穗

祝年登

元日登拱北樓

以下闕  
逢蘭茂

南斗京華萬里遙雙門拱極鬱峩人來百尺平臨地日麗三元下降朝銅史漏長虬箭運珠江淥淨蜃樓消炎方殷賑春如畫已覺條風徧柳條

李鳳岡太守

咸  
寓齋小集

浪遊逢舊侶傳坐入新年

元日後遞飮食相邀得酒顏加口傳坐見雲仙雜記

少無官骨並仙暖如二三月會記北南天

自都下別絕少經十八年

塵容抗林亭地自偏

乍到聽臚誦相於結古歡急流能退勇上藥在心安蠹簡

倘容老鷗盟知不寒冰厨添美膳霜鬢爲加餐

人日同趙淞舡孝廉舟游海珠因過海幢寺用昌黎

人日城南登高韻

海無槎客浮珠異神女弄兩人航可受東風塗不凍環堞

水中央設險昔樹用驚濤空壁岸投奔畱部從四望帆檣

低萬家烟火共更訪初地淨復藉一篙送鬱鬱穿古榕招

招掠老葑妙香慮全息遠色日頻縱人日愛登臨天涯惜

清愛堂集卷十六

八

倥偬且掃舍利塔學佛非所重

春雨中礪堂制府見招雅集和張南山孝廉

維屏作

滑臺喜靜鼓鼙聲海上春疇帶雨耕佩犢只今敷大澤狎

鷗難得遂初盟

時周性涵李鳳岡兩太守得請引疾

官高厚土如錢相年少

多才又賈生

謂南山

且對檐花細斟酌東風寒色入簾旌

謁虞仲翔祠

竹箭不獨美荃蕙竟化茅孤忠屯骨相遲暮遷南交門徒

常數百講學息衆呶髮白齒又落耳順年華拋昔步隨百

里今夢吞三爻羣蠻相鼓舞六籍爲笙匏千載訶子林往

往翡翠巢江東霸氣歇海南文采苞吾衰媿淺學舟芥杯

則膠旅泊拜虞苑蹇足追蒲梢都講從濟濟摘章戒胥鈔

永言家寶慕無獻魯叟嘲

光孝寺南漢三鐵塔歌

歌舞舊名岡鹿犬曾化石見十國春秋南漢後主紀傳家淫侈南海南

罪高浮圖三百尺千年陳迹未銷磨訶子林中窳堵波左

右雙標寒鐵古莊嚴七級滲金多大寶十年乾德節祝釐

要使銅山竭相輪替戾法王愁魁柄縱橫內官竊知承宣

院陳延與龔凝况有瓊仙女侍中髡衆成行金紫貴廟謨

參決綺羅叢媚川都呼鸞道荔子宴生春昌華天不老劔

樹刀山慘衆生金迷紙醉依三寶廷珣死後洗空祠樂範

逋餘舶回島一自俘纍到汴京夢殘鹿女踏花行可憐執

挺降王長鈴語聲聲聽得清佛亦不能佞錯亦不能鑄當

清愛堂集卷十六

九

時枉道小南強今日空聞海潮怒莫就蓮跌搗麝煤條衣

更繞菩提樹

題趙笛樓觀察

慎吟

慈竹長春圖

披圖淚染湘筠濕孝筍成林墨華浥畫出春明就養時慈  
母顏開兒玉立記得孤兒舞勺餘大椿凋謝母辛劬平安  
護到龍孫長眼見簪豪上石渠通潞迎家春水送澧蘭移

向南陔種板輿賞徧

帝城花花底親擎壽觴重三年回雁寄鄉心又桂雲帆返

故林此去家駒能侍膳况今雛鳳已調琴懿訓丁寧惟報

國不須戀戀晨昏職情深愛日美光陰貌取含飴好顏色

諫紙連番青瑣闈手持玉尺到南畿宣威驄馬行行避送

喜慈烏兩兩飛忽報秋風吹籜冷烟條雨葉添悲哽展卷  
難吟蒿蔚詩褰幃空抱檀欒影振觸嗟余舊恨生繫匏竟  
未許陳情可憐汝泗還鄉水扶護歸來慘哭聲相逢愧我  
傳經帳嶺海期君掃炎瘴倦客飄零誓暮慚通儒康濟爲  
霖望素心幾輩各西東話到茅檐赤子同自古名臣皆孝  
子凌雲高節在清風

春寒

蠻方一冬暄陽氣泄無埃宵聲聚蚊蟲暖色粲桃李市月  
春已深連晨雨不止濃陰成漏天凝寒如潑水側側風漸  
緊黯黯雲莫徙篋衍搜吳綿窻父補倭紙聞遲二月餘霽  
想重湖裏聊試海南香熏爐更料理

清愛堂集卷十六

十

宋貞女詩

貞女名心華爲宋觀察敬女幼字李心謹未昏而寡女守貞歸李氏其嗣學堅乞詩

婉婉伯姬孫女蘿施仙李兩家五馬門弱媛五齡耳

一解

翁歸田秋風蓴鱸雙魚尺素報殞童烏

二解女聞無言有隕

如瀉婢媪竊訝之童心奚悲者

三解閱五六年又四三年鳩

媒蹇脩于于焉而來前女志不回海枯石爛心冰堅誓相

從于黃泉

四解

哀哉未亡人竟作李家婦嫁殤拜舅姑緣情

爲立後

五解

後者兄之子匊匊近文章一行作吏貞門其昌

六巧我貞女詩介爾東牀坦哀我同年友完此覆巢卵

六解

照人右道體母慈爲賦栢舟燁形管

七解

同會貞谷方伯李鳳岡太守辛敬甫明經胡香海司

馬萬子雨太守張南山孝廉周南卿茂才集光孝寺

城西地僻訪訶林共證禪心約素心遷客百蠻畱慧業閏  
年二月閣春陰六州鐵鑄降王錯大海朝生覺岸音未起  
東風旛不動月痕花木照深深

偶成

鄉心無際五羊城漠漠春陰雨乍晴忽見簷前插新柳始  
知今日是清明

潘蘭公侍御沒後其孤貧不能自存予來嶺南言於

李鳳岡太守潘毅堂觀察有爲咸有厚贈兩君皆蘭

公夙好也感賦一首

阮南周北記長安

毅堂爲蘭公族子  
鳳岡與同邸寓

潘鬢成絲夢竟殘八

口可憐艱玉桂九原應解感金蘭分來白選春風煦望斷

清愛堂集卷十六

七

黃墟夕照寒替作雙魚吾不惜天涯今日爲加餐

粵秀山懷古

巖疆服領南尉佗固封守得地不足大得財不足富孝文  
恭儉心底事穀甲冑西都陸生來馳諭無爲寇褚衣上中  
下樂以娛憂奏時平牝晨餘日月會龍甯大長老夫大臣非  
復黃屋舊朔望朝漢臺椎髻易文繡桂蠹充筐包狼烽罷  
斥堠時時稱詩書遂啓後來秀南方位離明珠貝爛雜糅  
文章孔翠毛芳潤六藝漱霸才毓山靈蛩唱掃俗陋絕頂  
凌莽蒼決皆供宿畱濤白聲撼秋榕綠陰生晝獨客落蠻  
荒聊紀登臨候

獨遊六榕寺

六榕何代樹兩字老坡書馴鹿銜花去殘僧掃塔餘幽偏  
少車馬冷落但鐘魚且作詩呈佛經過未肯疎

送曾賓谷方伯入都展 觀卽次畱別元韻

二分舊夢揚州月君轉三湘我於越一笑相逢又嶺南海  
色天容詩思發同是雲霄鸞鶴姿多君鴻翼順風時回看  
白髮滄浪叟十載西湖理釣絲旌節花開從此去珠江種  
徧甘棠樹好憑傳語到紅橋

時由大江  
取道邗上

故侯近在梅多處

卽送北遊  
周南卿茂才餉羅浮黃精并以長篇見投次韻報謝

少年空負工詩名老大已覺名心平蠻鄉插脚一春冷梅  
花夢繞羅浮清客中公瑾纔謀面珍比投桃交誼見曾吟

清愛堂集卷十六

十三

黃獨少陵詩不數丹砂句漏縣仙家上藥雲扃開苞苴遠  
自西樵來茹芝我更探粵嶠折柳君况登燕臺長生會訪  
山林士餐霞飲露歡無己白頭浪迹媿初心青眼高歌唱  
吾子

杜

阮俞采竹莫遲畱花發長安亦壯遊敬爲南豐香

一瓣

時賓谷方伯  
遜與偕行

此行重識韓荆州

謂杜船  
尚書

離亭落日題

襟去惠子依然槁梧據學飽還春千里糧詩成合賦相思  
樹

乞張墨池孝廉 如芝 寫曉窗讀書圖敦之以詩

草堂居士清芬遠分讀書燈記曉窗我已餘光憐炳燭煩  
君點筆寫寒缸

送張雲巢司馬 青選 假滿回浙

曾傳秀句出文場

君試禮部時始相識

況復枌榆久蔭棠家溯星源

天上宿政流芬澤海南香

書屏晝接趨中禁衣錦春榮轉故鄉惟有報劉情戀戀由來忠孝本循良

九十恒春大母慈卽今衆母舊舍館行看榘石栽楊柳

海塘

有石歸及開園啖荔支

時方初夏

上壽喜聆芝鳥曲重迎愛見

篠驂兒匆匆我又灘江棹錄別梅炎藻夏時

清愛堂集卷十六

清愛堂集卷十六

十三



清愛堂集卷十七

仁和 魏成憲 寶臣

粵游草中

將之桂林葉雲谷農部

夢龍

招同潘毅堂觀察李鳳

岡太守張南山孝廉小集風滿樓餞別

一曲珠江抱開襟百尺樓歸雲猶作雨望遠不生愁淺醉日之夕重來月又秋驂鸞意飛動輪爾水邊鷗

次韻酬曾賓谷方伯見贈

少壯志經濟學恥耳與口西曹十五載畫諾嚴可否外臺歷三遷蠹沒猷爲守清白期飲冰洗腆致用酒幸得祿養親至今感

清愛堂集卷十七

一

高厚一從賦鮮民寒廬掩蓬莠猿鶴不予欺松桂非我誘蒼生亦在抱白髮驚新有爲郎媿馮唐知足慕疏受昨作嶺表游爲多素心友同聲必相應石鼓桐魚扣尚書矢公忠海鏡波平後

謂礪堂制府

君實左右之躋民于仁壽敦我文字緣舊學荒負負珠江一葦杭述職朝

明堂祝君大建樹開府臨湖鄉西湖浚水利鱗隰兼蠶筐

四子講德論樂職中和章濟川公等在治以經術昌上慰

宵旰勞協氣垂

巖廊擊壤野夫頌緯耒井里方嘉謨煩入

告四海迪吉康

舟過花田有作

荔支灣去是郊園紅紫芳菲又一村南漢昌華迷舊苑東  
風豔質返香魂南漢葬官人地分畦幾稜疏泉灌別圃雙扉折柳  
樊我亦馬塍種花叟養人術向郭駝論

梧州道中

蒼梧雲漠漠發軔又南交蠻苦珠猶采墟荒飯自包竹郎  
祠下拜銅鼓箐中敲沉值黃梅瘴加餐慎旅肴

蒼梧雨泊

嵐陰暮爲雨迸入灘聲大炎氛一以滌烏簾宿蒼靄鷗鷺  
有閒心菰蒲起清籟暄寒氣候殊人在五嶺外

昭平峽口次韻酬礪堂尚書

上峽舟迎出峽湍元戎小隊廣場觀調將狂象成馴象驂  
清愛堂集卷十七

二

並飛鸞有伏鸞舊雨同岑從事老清風單舸貴官難歸帆  
預想乘流順八桂香初九夏闌

原作

襄平 蔣攸銛 礪堂

三年珠海挽奔湍桂管山川壁上觀愧乏奇文能徙鱷  
幸偕仙侶得驂鸞嶺高伏莽萌芽易土瘠求芻撫字難  
回憶前塵驚老大成陰桃李已春闌

距丙辰視學桂林十九年矣

入峽次韻再酬礪堂先生

移舟共仙侶百丈路盤紆高峽出雲雨奔瀧下桂梧濟川  
公手障拜石我心迂詠到求芻句清聲已載途

原作

蔣攸銛

野草隨方異輕舟上峽紆濤聲欺白馬雲氣接蒼梧勇

退輸君速回瀾笑我迂于金壺漫挈忠信卽亨途

舟行昭平峽中作歌

百粵林巒少平地昭潭洩淡綠無次山如重甌左右屈舟  
行若窮轉蒼翠入峽出峽路由旬萬里牂牁灘水至稜稜  
刺天碧玉夔那辨模糊雲篆字厓懸又見山帶束雨霽況  
有泉神墜併作前灘漑濤聲疑是千軍鞭轆置峯多難得  
耀金樞水立忽然紛玉戲鬻浪槎牙虎豹蹲奪隘須臾蛟  
鱷伺篙師邪許不容間畫本離奇轉忘憚篷窗有客書不  
輟亦知置筆靡一事

用坡公曲  
江上瀨語

臨風試聽回颿搥嶺外啼

猿和清吹

平樂登鳳凰山同姚岱雲

鎮

汪和齋

旋吉

兩茂才

清愛堂集卷十七

三

弭楫昭潭隅抱郭山峭舊問名同故鄉

吾枕有  
鳳凰山

萍蹤好游

衍滑磴試芒屨炎暉障蕉扇倚天勢建瓴拔地形累甌或  
騫若溟鵬或翥若石燕惜不偕麟遊悲已無鸚薦竹實餐

莫飽枳棘棲亦賤空令巖谷間五色文章絢三客勇且賈

一亭翼然見梅公舊分符登臨想清晏

山有梅公亭爲  
刺史梅摯建

湖

山有美堂此邦勝各擅風流昔所被魂魄猶應戀嶺樹矗  
如簦灘江淨于練遙見石削成城頭雲一片

城上有山石  
聳立數丈望

之如

灘江舟中卻寄詩請主翰林溟生明經

式亦謂也

回首羊城路隔千家山黯黯暮雲邊折旋水與石爭地離

立峯如花插天古樹濃陰生瘴雨清風爽籟掃蠻烟白頭

萬里飄零客難得京華一紙傳

得李觀察

子培

賈侍御

聲槐

書以詩答之

秋賦同時魯兩生

甲寅京兆試  
分校所得士

翹材難得是知名會量玉

尺文無敵自別金臺歲幾更笥水去思臚誦在雒陽年少

諫書成哀遲未了酬

恩志愛聽清聲與直聲

陽朔舟中看山

緣江碧巉巖知是近陽朔貫以清瑤流倒影數峯卓峯峯  
石作荷葉皺高低向背一一分浮藍淺絳各異色左縈右  
拂多白雲白雲遮斷瀑飛濺直挂層巖如幅練天縱青山  
落百蠻奇觀處處開生面西上扁舟一葉輕灘聲未盡又

清愛堂集卷十七

四

猿聲桂林風土他時記翠壁丹厓畫裏行

桂江舟行口號

青羅帶水繫盈盈峽束灘回總不平一路插江峯點黛瘴  
烟開處石膚清

宮小山還別大山若離仍合斷猶連苔磯岌岌下無地雲

壁潭潭高刺天

數家茆屋傍溪潄綠縹巖間草色深蠻語乍聽渾不辯畫

眉猶是故鄉音

金臺岷岷更符水去思

如瓢如甕復如錐或矯飢鷹臥老熊畱得摩崖三百尺人

誰浯叟筆淋漓

石梁石屋未知名又見愚溪小石城多少玲瓏袖中質鬱

林不載一舟輕

重重乳竇滴空嵌背指陰厓落日銜忽見紅蕉花厭岸鷗

鷗聲裏送蒲帆

一枝塔影翠微遮十里清江抱郭斜山半忽開大圓鏡天

光穿漏見飛霞

桂林城東五里有穿山山巔有穴通透望之如輪月桂空宋胡楓號日月巖

嶂鄉入乍到野渡氏吾家岸曲桃榔樹峯尖菡萏花涼陰

生雨泊遠信隔天涯且住爲佳耳蕭蕭鬢已華

宦游寓居西偏隙地有雙松焉暇卽吟坐其下愛玩不足

賦輒賦三詩

桂管旣解袞萍蹤且適合僻地蕪不治長松翠交亞落落

清愛堂集卷十七

五

參天上謾謾拜風下濤聲起清曉月彩照靜夜凌霜識後

凋羃烟望無罅蒼髯莫論年綠陰宜買夏質非薦蘿附根

有茯苓化輪囷生豈偶盤桓撫猶乍幽姿蚪尚潛貞性鷓

同嚇惜此大厦材蠻鄉老閒暇

羃職五月二日同岱雲和齋上獨秀山峯次韻

融結秀成采拔地一峯碧削出翡翠屏陟級數三百孤頂

上平聳盤旋鐵色積將乘鹿盧躡爲探巨靈迹凌晨賈勇

登從之以二客酸澀到足心清風生兩腋側身霄漢近俯

眺川邃窄炎威九夏消奇觀百蠻關青山盡兒孫朱邸感

今昔其下舊爲靖江藩邸胸次盪孤雲鳥下翻歸翮及茲攀躋樂償

我烟霞癖夫惟卓不羣何人介于石

登巖絕頂望仙鶴明月諸峯

山斷雲為連山石如雲海步步披絮行青紫石錯綵貼地  
紫玲瓏蘊天青蓓蕾林表高巉巉草間伏磊磊瑤筵插偏  
其劍鏗森礪乃腰巖日月蔽乳竇雪霜隴卻步小有洞放  
眼大自在明月來幾時老鶴歸千載還心寄寥廓絕頂助  
光采好景落蠻荒吾將問真宰

入風洞行數十步穿巖背正對灘江平遠如畫

巖屏夏生寒冷然風善也窠入纔通入古佛小蘭若鑿空  
巨刃摩求幽列炬把瘦樹石縫逆細泉雲竇瀉僕行轉微  
徑生面開廣厦洞中復有洞俗駕得門寡刻畫出崖窾登  
臨足瀟灑一碧彈丸溪能移我情者盤陀行若螺峭帆去

清愛堂集卷十七

六

如馬何處不清風消搖石林下

松濤

風外忽傳響樹間微有聲高翻三徑籟涼挾四山鳴大海  
音無著飛泉韻共清支離看此叟或未得其平

遊七星嶺樓霞洞作

看山皮相不知妙窠入其阻觀其傲桂林邱壑天下奇七  
星嶺傾佳處要架險梯空得異境捫參歷井若隱曜峯腰  
摩縉闕雙洞烟骨嶙峋開衆竅深廣真堪容百人徜徉畧  
可同三詔千年乳竇結玲瓏二分足垂行航翫懸厓忽作  
海濤勢滄濟游魚尾猶掉漸入佳境真源通或導先路列  
炬照面壁古佛右肩袒荷蓑老漁直鈎釣山果瑣細橡栗

羅雲仙雜沓鳳鸞嘯累丸十二宜僚工擲米狡獪麻姑少  
紆行注鳴鱗之而一一象形亦惟肖賈勇將窮螺髻盤求  
陰不憚羊腸繞直疑鬼斧破渾沌翻訝山靈露蓮峭名標  
奇紀別有天目所未寓意非料深愁不出火且盡那得雞  
人啼旦踞須臾返景漏霄光彳亍楚然轉藜藿遊真似夢  
超几遽句不驚人愧謝朓塵緣未了別烟霞始信人間有  
壺嶠

碧虛亭

鏗然曳杖聲洞底復有洞亭高出鳥外白雲互迎送不逢  
日華君何人篋三弄

元風洞見錢裴山中丞楷題名有感

清愛堂集卷十七

七

名畱峴首不能忘持節俄驚夜壑藏泉路故人頭尚黑天  
涯莫歎鬢新霜

重過棲霞寺

不見彌天釋道安本符上人  
卓錫地花橋東去路盤盤乳巖雲氣  
晴猶濕陰洞泉聲夏亦寒乍到蠻鄉添健骨頻來仙境有  
奇觀刺桐落盡芭蕉大壽佛菴前欲別難

龍隱洞觀元祐黨籍碑二十韻

華袞無窮號幽巖未泐痕流風餘韻杳深刻大書存伊昔  
崇寧歲曾刊端禮門黨分洛與蜀人首潞兼溫游戲神霄  
筆淒涼社飯恩滑臺花事謝良嶽鳥聲喧附麗滄旌別京  
攸肆捷幡遂頌州郡遍共仰姓名尊星變天心復冰堅地

勢坤毀碑乘永夜陳乞許連番經合題千佛才真濟八元

仲寧辭刻鏤

李仲寧不忍刊元祐黨籍姓名事與安民類見張溟雲谷雜記

頤正譜淵源

冀頤正采三百九人之事跡成

鑄鼎戈旋擊

時又鑄寶鼎列元祐諸臣

之名于上金人摩厓手重捫一時聊夔屈百禩尙鴻軒桂

入沐擊而碎之

公燾曾孫律所重勒

譽尙馳邊徽悲寧叫九闌雉山鄰峯嶺龍洞認

是刻爲故相梁

海尋殘墨花橋度別村籍緡八寸策胄源半千孫

蟠蜿世易滄桑局文垂竹素園光芒騰七宿

洞在七星山脚曠代

薄夫敦

### 寄答周南卿茂才

走馬黃金臺下過綠衣年少認周郎貞元朝士殷勤問道

我飄零到瘴鄉

### 清愛堂集卷十七

八

### 雨窗偶成

虛窗環繞翠微深一雨如秋風滿林紅荳蔻花好顏色開

來牡蠣粉牆陰

### 獨遊隱山六洞

入桂城西路飛泉鎖石梁層層山徑抱六六洞門藏懸溜

散秋雨亂峯銜夕陽此中合招隱北牖

洞名快風涼

### 曉發臨桂

秋雲易成雨山驛問程初林潤篔簹竹溪涵玳瑁魚玆禽

鴉啄樹蠻女跣携鋤旅泊炎荒外虞衡志續書

### 永福縣訪呂月滄明府消息

萬里纔歸省單車乍到官勞心緣撫字醫指信艱難木葉

搖風脫麻衣度嶺寒升堂遲下拜星舍憶博博

謁柳柳州祠

刺史當年遣會思易播州要津交口譽愚鳥賞心遊推挽  
公誰望飄零我亦愁羅池遺廟在蕉荔已千秋

柳州道中

柳江一曲龍城繞殘暑乍收清露曉蠻語聽誇物產多白  
蘂荷外秋風鳥

入遷江渡口

石似初平叱後羊數家茅屋燒畬荒匆匆紅水江邊路指  
點蠻雲入夜郎

漫與四首

清平堂集卷十七

九

宴喜西都口若河樓船莫更下牂牁陸生尚得詩書力衰  
送千金有趙佗

射策紛紛綵筆于橫山莽莽徒薪難劉蕡宗旦皆司戶莫  
賤人間濁碎官

赤雅編成瘴癘鄉鄜家文帶海南香翩翩書記古今幾難  
得主人雲擘娘

大藤峽斷罷從征農服先疇未輟耕瘠土干掇非細事猶  
煩

天語問狼兵

思隴山行

亂松夾山百泉出隘路入雲線痕一曾是前賢謫宦鄉幸

今蠻洞銷鋒日草木餘威風鶴聲遺黎尚說王文成思田  
簞食壺漿迎不用當年藤峽兵

崑崙關懷古

橫山曾伏莽地險控邕州司戶狂先告農家種待收風雲  
寒卷甲燈火夜傳籌故壘蕭蕭外新涼黍稌秋

贈何硯農太守

元煇

秘文曾共校秋卷復同掄日下續殘夢天南逢故人瘴雲  
纔退暑池草不生春

謂令弟蘭士太守

輸爾爲霖望邊毗待澤新

與陳鏡仁妹聳

口壽話舊

貧官落炎徼倦客度牂牁飲水心同素挑燈鬢各皤天涯  
餘涕淚

傷吾妹下世

世路定風波況我歸田久飢驅奈老何

清愛堂集卷十七

十

舟次潯州

乘躡居然汗漫遊到江黔鬱此雙流涼風落葉飛黃蝶遠  
水輕帆起白鷗萬里萍蹤經絕徼一年蘭序報新秋仙心  
仙骨詩中得句漏丹砂莫更求

羚羊峽

浮舟下端江羚羊高峽束峭嶠餘密林齋濬積寒淥沉沉  
蒼梧雲遠蔭三百曲有巖曰朝天溪水自此縮石骨漱而  
潤肌理勝烏玉遂穿東西坑烟液爲膏沐巧匠斲丁丁青  
花浮菽菽手方淬鷓鴣眼或暈鵠鴿窠幽縫緝腰俚刃及  
山腹地不愛其實剝膚亦太酷聊供壁友詒苞苴副竿牘  
千秋玉帶生名重西臺哭其餘文房材落落復瑤瑤一硯

不畱囊吾思包孝肅

謝礪堂制府貽佛手柑

兜羅綿相好形相分上祇林滿樹黃  
迦葉證餘秋澹蕩柔  
萸舒後氣悠揚同心蘭室言如接  
非指蘧廬喻未忘散盡  
天花身不著空空妙手自然香

闕江樓

百尺樓空結構牢端溪俯瞰碧周  
遭涼風拂曙遲歸燕滄  
海凌秋掣巨鼇羈旅胸襟從此濶  
平生眼界本來高峻嶒  
雙塔飛雲遠遠夢胥江八月濤

答張南山

書來必有詩知是張公子五色海天霞  
高唱白雲裏君近刻詞

清愛堂集卷十七

十一

日海天霞唱身雲鞭鸞鳳餐霞慕黃綺  
別懷夏復秋仙心吾與  
爾鶴之臺舒舒蒲之澗瀾瀾聯吟陶嘉月  
美人在尺咫

送李鳳岡入都

人生離合不繫舟偶同艤楫因石尤  
春明廿載別如雨重  
逢南海雙閒鷗從孟蘭臯始相識謂潘蘭公侍御  
長安街西官爽

鳩幡然賦歸久林下荔支歲擘輕紅稠  
我時浮湛在郎署  
南北與君風馬牛自君之入我已出參商  
不見華年流側

聞乘傳半天下一麾出守來炎州  
身處脂膏不自潤事更  
槃錯從分猷訟庭花開革蠻俗詩筒響  
答孚輿謳五羊仙  
人復持穗卽今棲畝餘糧收嗟予銜郵  
解官後十年把釣  
凌滄洲無錢買山空誓墓飢來驅人成  
遠遊輕裘度嶺急

聞訊喜君到岸帆初抽探梅有約尋羅浮往時青鬢今白  
頭比牒併名早卿相脫帽露頂輕王侯思闢三徑來羊求  
斗酒或向鄰家謀咫尺桂江我還懼料量藥籠君新瘳甘  
澤已足潤黍稷涼宵正好交觥籌而君又將別我去客中  
送客添羈愁從來人海最堪隱大隱朝市非林邱白雲無  
心倘出岫新詩爲我題雲叟

將抵羊城寄諸吟侶

北戶驂鸞萬里回南園翦燭一尊開人從行役添吟料天  
以康強厚散材雲外香飄巖桂發風前啼切嶺猿哀曾干  
氣象輕投筆懷抱崢嶸上粵臺

